

دو ای می



سیناریو روائی

د. نهاد إبراهيم



دار العلوم للنشر والتوزيع

سيناريو روائى

دو رى مى

الطبعة الأولى

د. نهاد إبراهيم

٢٠١٨

دار
النشر والتوزيع

سيناريو روائي : دورى مى

المؤلف : د. نهاد إبراهيم

الطبعة الأولى : يناير ٢٠١٨

التنسيق الداخلى : رفعت حسن سيد

دار العلوم للنشر والتوزيع

ص . ب : ٢٠٢ محمد فريد ١١٥١٨

هاتف : ٠١١٤٤٧٦٤٠٠٠

الموقع الإلكتروني : www.dareloloom.com

البريد الإلكتروني : daralaloom@hotmail.com

[Facebook.com/dareloloom](https://www.facebook.com/dareloloom)

Twiter: @dareloloom

جميع الحقوق محفوظة

رقم الإيداع : ٢٨٧٣٩ / ٢٠١٧

الترقيم الدولى : ١-٥٤٠-٣٨٠-٩٧٧-٩٧٨

دار
العلوم
للنشر والتوزيع

إن الآراء الواردة في هذا الكتاب لا تعبر بالضرورة عن رأى دار العلوم للنشر والتوزيع .

يمنع نسخ أو استعمال أي جزء من هذا الكتاب بأية وسيلة تصويرية أو إلكترونية أو ميكانيكية
بما فيه التسجيل الفوتوغرافي والتسجيل على أشرطة أو أقراص مقروءة أو بأية وسيلة نشر أخرى
بما فيها حفظ المعلومات، واسترجاعها من دون إذن خطي من الناشر

تدور الأحداث فى فصل الشتاء

\$ مشهد [١]

نهار داخلى - منزل سميح وزينب

- حجرة الصالة

(حوض سمك متوسط الحجم فى
أحد الأركان - أصابع معدنية طويلة
ملونة معلقة على باب الشقة تصدر
إيقاعات موسيقية باحتكاكها مع
حركة الباب - ساعة حائط - جهاز
راديو كاسيت فى أحد الأركان -
منضدة صغيرة عليها جهاز تليفون
وآجندة صغيرة مفتوحة على صفحة
بيضاء ومعلق بها قلم - بعض أواني
الزراع)

(زينب فى نهاية الأربعينات تحتفظ
بقدر موفور من الجاذبية والرشاقة -

ذوقها فى الملابس هادىء التصميمات

والألوان - تضع دبلة زواج فضية)

* زينب تجلس على كنبه الصالة

بالقرب من التليفون تربع قدميها

وتسند رأسها على كفيها تفكر

بعمق ترتدى قميص نوم شتوياً

* تفرد أمامها رقعة الشطرنج تلاعب

نفسها

* تحركات كثيرة على الرقعة والدور

فى الذروة

* زينب تمسك بالحصان الأبيض

وتنقر به على الرقعة تفكر فى

الخطوة التالية لا تلتفت للتليفون

مطلقاً ولا ترفع عينيها عن الرقعة

* بعد جرسين فقط تنطلق الرسالة

المسجلة

* بعد برهة قليلة للغاية تضع زينب

الحصان الأبيض فى مربع أمامى

بعناية شديدة

تأمل زينب الرقعة بتركيز شديد ثم

تدير الرقعة وتلعب بالجيش الأسود

وتواصل التفكير

- جرس التليفون

- نقر متأنى

- صوت آلة تسجيل التليفون

"الرسالة" : - صباح الخير يا

سميح . . أنا . . عطسة . .

أنا حسن ، معلش شوية برد ،

بعطس ومزكم وحالتى حالة .

أنا جيتلك اللي انت عايزه

عطسة . .

يرحمنا وإياكم

إبقى فوت عليا فى أى وقت
وما تخافش أنا نيتى كويسة مش
هعديك

يغلق الساعة

- دقات ساعة الحائط

* عقارب الساعة تشير للسادسة
والنصف

* زينب تلتفت تلقائيا ناحية الساعة
وتغلق رقعة الشطرنج بحركة واحدة
* تذهب لتشغيل جهاز الراديو
وتقلب المحطات

- مسامع مبتورة من محطات إذاعية
مختلفة
- جرس الباب

* لا تلتفت زينب للجرس
* أحدهم يرمى الجريدة من تحت
عقب الباب أثناء بحث زينب عن
محطة مناسبة
* تلتفت زينب جهة باب الشقة
ويستلفت نظرها طرف ظرف
جواب يبرز من تحت الصحيفة
* تستقر زينب على إحدى المحطات
* تتجه ناحية الباب فى خطوات قليلة
* تنحنى تلتقط الصحيفة بيد
المظروف باليد الأخرى بعينين
متساءلتين وتجدّه مكتوباً عليه

- ينبعث صوت الراديو المسموع

"يسلم ليد السيدة زينب عبد
الهادى"

* تقلب زينب الظرف على الوجه
الآخر فتجد محل الراسل فارغاً
* تبتسم زينب بصفاء وتمسك الظرف
باعتزاز

- ايقاعات موسيقية رنانة
* ترفع قامتها فتصطدم بالقطع المعدنية
الطولية المعلقة على الباب
* تساوى شعرها بيدها
* تنظر زينب لساعة الحائط فتجدها
تقترب من السادسة والنصف
ودقيقتين
* تدس الظرف فى جيبيها وتغادر
الصالة مسرعة لغرفة النوم
@ قطع

\$ مشهد [٢]

نهار داخلى - حجرة نوم سميح وزينب

(الأثاث التقليدى - بسيط رقيق الذوق
- الكومودينو بجانب زينب فوقه
أباجورة صغيرة - صورة لزينب فى
برواز صغير تقف فى حديقة مستندة
إلى شجرة بنظرات حزينة - كومودينو
بجانب سميح فوقه أباجورة توءم
الأخرى - علبة كبريت - نظارة نظر
مفتوحة - جراب النظارة - صورة
لسميح فى برواز صغير فى وضع
تقليدى وملاحه يكسوها منتهى
الجدية والكبرياء)

ملحوظة :

لا تظهر صورة سميح بوضوح أو
ملاحه طوال المشاهد التالية إلا بعد
الكشف عن شخصيته فى مشهد
معركة عم أحمد فى الشارع
* زينب ترتدى ملابس الخروج

- ارتطام الشيش بجدار العمارة
الخارجى
زينب : يا لا يا سميح الشمس جت

* تفتح شيش الشرفة بقوة فيندفع نور
الصباح وتغلق الزجاج
* تلتفت ناحية سميح الذى مازال

نائماً ولا نرى منه سوى يده
البسرى التى تغطى وجهه نستدل
منها على دبلّة الزواج الفضية التى
يضعها والبيجاما الثقيلة التى ينام
بها

- تتوقف زينب أمام كومودينو سميح
وتخرج فوطة تنظيف النظارة من
الجراب وتنهمك فى اطلاق البخار
من فمها على عدساتها ومسحها
ثم تضعها داخل الجراب
* تتجه زينب للتسريحة تتناول ظرف
الجواب من فوقها بشوق وتضعه
فى جيبيها بحرص

* تلتفت لسميح

@ قطع

عندك معاد مع الوزير الساعة ٩
وقبلها بنص ساعة اجتماع مشروع
الأرض الجديدة اللى هتستصلحوها
الثلاث الجاى

أنا عارفة انك صاحى وسامعنى

نهار داخلى - مطبخ شقة زينب وسميح

(المكان مرتب نظيف - أدوات المطبخ المعتادة - منضدة فى المنتصف - مقعد واحد)

* زينب ترتدى فوطة المطبخ تجهز الإفطار وتقف أمام البوتاجاز
* يتصاعد البخار من إناء البيض المملوء بالسمن

* تفرد زينب الخطاب المطوى بيد وباليد الأخرى تمسك الملعقة وتقرأ
جواب الصديقة المرحلة التى تتكلم بسرعة كبيرة

* ردود أفعال زينب المشتاقة

حببتى زينب . .
وحشانى موت قد البحر . .
النهاردة بالظبط يبقى بقالى اتنين
وعشرين سنة عايشة فى مرسى
مطروح .

إتنين وعشرين سنة وأنا بشوفك يا
صديقة عمرى الوحيدة من الصيف

للصيف ، لحد ما كرهت الشتا عشان
بيحرمنى منك يا وزه .

أنا عارفة ياختى مال الأيام بتسرسب
مننا زى الرملة كدا ليه . . ! والراجل
جوزى راخر شعره أبيض لون
التليج ، باين الكارت بتاعه خلص . .

- ضجيج السمن

طبعاً كالعادة . . مابتقدريش تصبرى
لحد ما تفضى وتقرى الجواب على
بعضه زى الناس ، هو انا مش
عارفاكى؟!!

تاخدى أول سطرين وبعدين تنتشى
من كل حنة شوية وانتى بتحضرى
الفطار لسميح تنزليه وبعدين
تفضيلى . .

تمد زينب يدها بالمعلقة داخل الإناء
تقلب السمن بهدوء دون أن ترفع
عينها عن الخطاب

* يتصاعد دخان السمن بكثافة من
الإناء

* تنتبه زينب وتأتى ببيضتين من طبق
قريب وتكسرهما فوق الإناء
سريعاً وهى مازالت ممسكة
بالخطاب

* تفرد الخطاب ثانية أمام عينها
وتعاود القراءة وهى تقلب الإناء
بحركة روتينية

* تطفىء زينب البوتاجاز وتضع
الإناء فى الصينية على المنضدة
بجانب بقية الأطباق الممتلئة
والخطاب فى يدها

* تستند الى المقعد وتعطى ظهرها
للطعام منهمكة فى القراءة

فاكرة يا بت يا زينب يوم ما
كنا.....

- يقتحم القراءة صوت سميح منادياً
من الخارج ويتباعد معه صوت
الراسلة فى الخلفية

سميح: الفطار وحياتك يا زينب
وابقى اتمتعى بالجواب على مهلك لما
اخرج..

* تستفيق زينب من القراءة

* تطوى الخطاب فى كفها

* تخلع فوطة المطبخ

* تستدير تحمل الصينية وتغادر

المطبخ

@ قطع

زينب: حالا يا سميح

نهار داخلي - منزل سميح وزينب

حجرة الطعام

(الأثاث المعتاد - منضدة مستديرة
للطعام وحولها مقعدان - أواني زرع
متفرقة)

* زينب تجلس على المنضدة
* تضع السكر بملعقة صغيرة في
فنجان الشاي أمامها
* الخطاب بجانب الفنجان مفرد
على المنضدة

* سميح يقف خلف زينب دون أن
نراه ويضع يده برفق على كتفها من
الخلف

* من خلف زينب تمتد يد سميح
وتضع فنجان الشاي الفارغ على
المنضدة

- خطوات سميح تبتعد
- باب الشقة يغلق وتطلق الأصابع
المعدنية نغماتها

* تلتفت زينب ناحية مصدر الصوت
* تشرّد لحظة قصيرة بحزن وتعتمد
فى جلستها مرة أخرى مواجهة
لفنجان الشاي وتبدأ فى ارتشافه
وعيناها على الخطاب مستمرة فى
القراءة

- تبطّئ الصديقة من رتم كلماتها
قليلاً
طمئنى عليكى يا زينب . . عاملة
إيه؟؟

* ترتبك زينب من السؤال وتعيد
الفنجان لموضعه دون أن تنظر إليه
فيصطدم الفنجان بطبق الشاي
الصغير ويتناثر قليل من الشاي
على المنضدة

وحياة العشرة اللى بينا يا زيزو ما
تخبى علينا!

* زينب ترتبك أكثر وتنهض من
مقعدتها متجهة نحو الصالة ومعها
الخطاب

@ قطع

نهار داخلي - منزل سميح وزينب

حجرة الصالة

- * تسير زينب على مهل ممسكة
بالخطاب تتابع بعينيها القراءة
وتصطدم بمقعد في طريقها ولا
تتوقف
- " استمرار صوت الصديقة الراسلة " :
زعلانة منك زعل يا زينب
أول مرة من يوم سفرى ماتبعيش
جواب الشهر بتاعنا .
نسيتي؟ مش معقول
كسلتي؟ مستحيل
زعلانة؟ ما عندكيش حد تحكيه غيري
قلقتيني عليكى مجد
- * تتوقف زينب أمام حوض
السماك تراقب الأسماك الملونة
بجزن غامض
- * تضع زينب يدها الممسكة
بالخطاب وراء ظهرها
- * تزداد نظرة الحزن فى عيني
زينب
- * تنحنى انحناء خفيفة وباليه
الأخرى تدق على أحد الجوانب
- قوليلي يا زينب . . إزاي سميح؟؟
زينب: سميح . .؟؟

الزجاجية لحوض السمك بحففة

فتهرب الأسماك

@ قطع

سميح هو هو . . . يعنى ايه اللي

هيتغير!!؟

نهار باكر خارجى - أحد شوارع القاهرة المزدحمة

* سيارة العمل الخاصة بسميح ترتج
وتقف وتكاد مقدمتها تحف
بموتوسيكل يقف عرضياً أمامها
* فوق الموتوسيكل شاب مراهق
يرتدى ملابس غريبة ضيقة لافتة
للنظر بألوانها المتنافرة - شعره
مصفف بطريقة فجّة - يرتدى نظارة
شمسية صغيرة للغاية - لا يضع
خوذة على رأسه - تتدلى من رقبته
سلسلة ذهبية سميقة فارغة تبرز من
قميصه المفتوح رغم الشتاء
* خلفه تركب فتاة من نفس النوعية
* يتجمع بعض المارة ليشاهدوا
المعركة المنتظرة بسلبية تامة
* ينزل عم أحمد سائق سيارة سميح
ساخطاً لاعتنا مرتدياً ملابس بسيطة
المستوى متجهها لراكبى الموتوسيكل
الذين ينظران إليه بلامبالاة تامة
(عم أحمد رجل مسن - ابن بلد)
- فرملة سيارة عنيفة

عم أحمد: يا أخى حرام عليك يا
أخى ماشى وواحد ف وشك وكأن
الدنيا دى على قدك
إيه يا خويا . . صاروخ مطلوق ع
الأرض!

* الشاب والفتاة يضحكان باستهتار
وسخرية مستفزة ويتبادلان نظرات
متبجحة

الفتى : والنبي يا أنكل الواعظ
تروّق حبة وتدينا سكة . .
فرملة أمريكاني وخلصنا، مش
هنحكي . . إوعى بقى خلينا نلحق
العيال، المركب هتقوم
عم أحمد "يزداد غضبه" : هو دا
كل اللي مضايقتك؟ مفيش تميز
إنك كنت هتودينا وتودى نفسك
فى داهية!!

الفتاة : يوووه يووه . . جدو حبيبي
دماغنا ع الصبح، مش طالبه وش،
قصّر . . .
عم أحمد : أقصّر؟! بقى بدمتى إنتو
عندكو دم؟

الفتاة "للفتى" : أأأأأأه غلط يا
بو كاهونتاس، جدو بيعك . .
عم أحمد "غير مصدق" : أعك؟!
أنا بعك؟؟!!

الفتى : yes you بص يا بس
بس . . إنت كدا على بعضك
بالخطور اللي انت راكبه باللى فيه
تكمل الفتاة : "مزوغين شروة
واحدة من رابش وكالة البلح" . .

* الفتى والفتاة يضربان كفا بكف

- ضحكات الفتى والفتاة العالية
المستفزة

عم أحمد "بلغ القمة" : إخرس يا
قليل الأدب منك ليها . .
يا ابو سلسلة فاضية زى طوق
الكلب، إنتو إيه . . مالكوش أهل
يربوكو؟

* الفتى يشعر بالإحراج أمام الفتاة
التي تنتظر بفضول نتيجة المعركة
* ينزل الفتى مسرعا من فوق
الموتوسيكل متجها بتنمر لعم أحمد
صارخاً بأعلى صوته

* يرفع الفتى ذراعه يريد صفع عم
أحمد الذى يقف مشدوها

* قبل نزول الصفعة على وجه عم
أحمد تمتد ذراع أخرى (ذراع
سميح) فجأة وتقبض على كف
الفتى بقوة وتصميم شديد معترضة
طريقها

* تتجه أنظار المتفرجين نحو سميح
بفضول وإعجاب

"هذه أول مرة نرى فيها سميح"
(سميح فى نهاية الخمسينات - ممشوق

- ارتطام كف الفتى بقبضة سميح

القوام مثل العصا - نظراته حادة نافذة
- صوته هادىء لا يصيح إلا فيما ندر
إذا كان الأمر يستحق - يثق بنفسه جداً
- يرتدى بدلة كاملة - يميل ذوقه
للألوان الداكنة - أنيق تماماً)

* بفعل المفاجأة وهيبة سميح يجبر
الفتى على إنزال ذراعه ببطء رغم
فارق العمر

* يبدو الذعر على الفتاة
سميح "بمتهى الحزم والهدوء" :
إمشى من هنا

الفتى : طب مش ماشى .. واما
نشوف هتعمللى ايه ، هيه؟؟؟

* يتردد الفتى ثم يهتف بخوف كما
الطفل الخائب
* يثبت سميح نظراته الحادة على
الفتى

* يتوجه سميح للموتوسيكل وفوقه
الفتاة

* يترقبه الفتى معتقداً أن سميح
سيصيب الفتاة بأذى ويتردد فى
اللاحاق به

* عم أحمد والمارة يتابعون الموقف
بدهشة

* يتوقف سميح أمام الموتوسيكل
سميح "للفتى والفتاة" : أنا مش
هبلغ عنك البوليس ولا هخلى عم

أحمد اللي انت شتمته يتصل بأمن
الوزارة. . مش عشانك. . عشان
راكبة معاك بنت "موجهًا حديثه
للفتاة": حتى لو كانت ناقصة أدب

* يتبادل الفتى والفتاة نظرات غاضبة
* ينتزع سميح مفتاح الموتوسيكل
ويضعه في جيب الجاكت

سميح "للفتى": لما تحب تدور
الموتوسيكل، اسأل على مكتب
سميح الأخضر في وزارة الزراعة

* يقف الفتى مهزوماً لا حول له بفعل
هيبه سميح
* يعود سميح للسيارة ووراء عم
أحمد بفخر شديد دون إعطاء الفتى
فرصة للتفكير أو المناقشة
* يسرع عم أحمد يسبق سميح
بابتسامة منتصرة ويفتح له باب
السيارة الخلفى ويركب سميح
* يسارع عم أحمد ويأخذ مكانه
* يدير السيارة ويسير ببطء من أثر
تجمع المارة ثم يسرع القيادة تدريجياً
* الفتاة تنزل من فوق الموتوسيكل
وتلوح للفتى بيديها

الفتاة: باى
الفتى: راجحة فين؟

الفتاة: ألحق المركب، عيش حياتك

- الفتى "لنفسه": أم الندالة

* الفتى يشيعها بنظرات غاضبة حتى

تختفى بسرعة

" لحظة حيرة " هى فىن وزارة

الزراعة دى؟؟؟!!

@ قطع

نهار باكر خارجى - داخل سيارة العمل الخاصة بسميح

* سميح يخبىء وجهه بالجريدة التى
يقرأها

* عم أحمد يرمق سميح عبر مرآة
السيارة

* سميح يطوى الجريدة ويضعها
بجانبه

* عبر المرأة

عم أحمد: ربنا يخليك لنا يا بيه
ويحميك
سميح: لسه ماتخلقش اللى يهين حد
تبع سميح الأخضر
عم أحمد: ربنا يا رب.....
سميح "منهيا الموضوع بحزم": أنا
خلّصت

* تنسحب ابتسامة عم أحمد قليلا
مخرجاً

* يخرج سميح من جيب الجاكييت
الداخلى سى دى ويضعها على
كتف عم أحمد

* يسارع عم أحمد بالتقاطها

عم أحمد: أظبطها يا بيه زى كل يوم؟

سميح: زى كل يوم

- تنبعث أحد مقاطع الدويتو الثانى

الشهير لعبد الوهاب وراقية إبراهيم

من فيلم "رصاصه فى القلب"

راقية إبراهيم: كان حلم جميل

* يضع عم أحمد الاسطوانة داخل
الجهاز

* يشرد سميح بعيداً بوجهه الجامد

راقية إبراهيم : كان حلم جميل

* تتابع السيارة طريقها

* عم أحمد يراقب سميح عبر المرآة

* تتوقف السيارة أمام الوزارة

* ينزل عم أحمد ويفتح الباب

لسميح الذى يفيق على حركة

الباب وينزل

* سميح يقف لحظة يعدل هندامه

* يتجه ناحية مدخل الوزارة بنشاط

* يتبعه عم أحمد حاملا حقيبته

ويدخلان

@ قطع

عبد الوهاب : وادبنى لسة عايش فيه

راقية إبراهيم : كان حلم جميل

عبد الوهاب : نسيته وانتى كمان

انسيه

- يتباعد صوت الأغنية فى الخلفية

يعلو عليها ضجيج الشارع وكلمات

عم أحمد

عم أحمد : حمد الله ع السلامة يا بيه

نهار داخلي - ردهة مدخل وزارة الزراعة

* عم أحمد يغلق الأسانسير بعدما

أعطى سميح حقيبته

يتنفس الصعداء ويعود لمكتب

موظفي الأمن اللذين يقفان

موظف ١ " ساخرًا " : وحياة النبي يا

عم أحمد أنا قلبي بيتقطع عشانك

عم أحمد : ليه يا خويا ؟ !

موظف ٢ : وانا بدعيلك كل يوم في

صلاة الصبح تاخد إفراج ونسمّعك

كفارة

عم أحمد : يا ضلالى . . هو انت تعرف

الصبح كام ركعة !

موظف ١ : كام سنة وانت سواق

" العو " لما ربالك الخفيف

عم أحمد : اصطبحواع الصبح

موظف ١ : يا عم بنهزر . . هى الدنيا

خربت ؟ !

عم أحمد : آيوة خربت طول ما فيها

ناس زيكو نخها فاضى قتللكوا ستميت

مرة ما تقولوش ع الراجل كدا
موظف ٢ : ما الوزارة كلها مسمياه
العو . . اشمعنى احنا؟؟
موظف ١ - ٢ : طب تعالى رايح فين؟؟
عم أحمد: وانا هفلق روى معاكو
ليه؟؟!!
جتكو القرف.....

يتركهما عم أحمد غاضباً متجهاً
للداخل أحدهم يتحرك وراءه .

@ قطع

نهار داخلي - الطريقة المؤدية لمكتب سميح بالوزارة

* يفتح باب المصعد ويخرج سميح
مخلفاً وراءه بقية راكبي المصعد
* ينهض فراش الطابق مسرعاً
يستقبل سميح ويأخذ منه
حقيبته
* سميح لا يعيره اهتماماً
* يهرول الفراش المتوسط العمر
وراءه ولا يستطيع ملاحقته
* يتوقف سميح فجأة أمام لافتة
ورقيه معلقة على الحائط
* يكاد الفراش يصطدم بسميح
من الخلف لولا أنه توازن بحركة
بهلوانية مضحكة في آخر لحظة
* يقرأ سميح نص اللافتة بعينه
(توفى الى رحمة الله تعالى والد
الزميل شعبان عبد السلام
الموظف بالأرشفيف . العزاء
تلغرافياً : ٥ حارة النعامة -
بولاق الدكرور)

الفراش : دا شعبان والسده اتوفى
سعادتك

* سميح يسدد نظرة نارية للفراش
فيلجمه ثم يعاود تأمل اللافتة

الفراش : أنا كان قصدى
سعادتك.....

* فجأة يستكمل سميح طريقه
والفراش يهرول وراءه حتى
يصل لغرفة تحمل لافتة :
" وكييل الوزارة "

* يفتح سميح الباب بعنف
متجهماً والفراش وراءه يدخل
ويغلق الباب وعلى وجهه
علامات الرعب

@ قطع

نهار داخلي - مكتب سكرتارية سميح

(ثلاثة مكاتب يجلس وراءهما شابان .

وهيام - والمكتب الرابع فارغ)

سميح في ديكثافون المكتب الفارغ :

تعالالى يا هاشم

* يتبادل الموظفون النظرات بارتباك

هيام " متشجعة " : لسة ماوصلش

يا فندم

* تذهب هيام وترد من ديكثافون

هاشم

سميح " بعد برهة " : لما ييجى

أشوفه

يتبادل الموظفون النظرات بارتباك

موظف ٢ : يا حبيبى يا هاشم . .

الله يرحمك

أكثر أثناء عودة هيام لمكتبها

موظف ١ : لأ وإيه . . تانى مرة فى

شهر واحد

هيام : مش يمكن أستاذ هاشم عنده

عذر

موظف ٢ : ما هو اللى مستلم من

يومين زيك كدا لسة ورور على

عماه .

يا ست هيام . . خلیکی معانا . .
بنقوللك هاشم هیدخل لسمیح
الأخضر وعامل عاملة زى وشه
هيام: یعنی إیه؟
موظف ١: یعنی هتسمى أحلى
برفان تهزیه شوفتیه فى
حیاتك ...

@ قطع

نهار داخلي - مكتب سميح بوزارة الزراعة

(حجرة أنيقة - المحتويات العادية -

على مكتب سميح جهاز كاسيت
وعلبة كبريت)

* الفراش يعلق جاكيت سميح على
ظهر كرسي المكتب متهيئاً سميح
لللغاية

سميح: هيجيلكو ولد عيل
ماعرفش اسمه هيسأل على مفاتيح
موتوسيكل، تركنوه برة.
قبل ما تمشوه يعتذر قدامكو لعم
أحمد وترموله دول.

* سميح يقف أمام مكتبه يخرج من
حقييته بعض السيديهات ويضعهم
بجانب الجهاز
* يجلس على مكتبه ونظاراته بيده

* الفراش يضع أول اسطوانة سي دي
ويضغط زر التشغيل (Play)
* يخرج سميح المفاتيح من جيبه
ويلقيها باستهتار أمامه

سميح: قول للى برة مش عايز أى
مقابلات ولا تليفونات لحد ما
اقول، مفهوم؟

* سميح يضع النظارة ويفتح الملفات
أمامه

* الفراش يقترب من مكتب سميح
يرمقه سميح شزراً بهدوء

يزداد حرج الفراش وينكس رأسه
هرباً من عيني سميح النفاذة

@ قطع

- تنبعث موسيقى كلاسيك هادئة
من الكاسيت

الفراش : القهوة يا بيه؟

سميح : دا سؤال غبي . . . !!!

\$ مشهد [١٢]

نهار داخلى - منزل سميح وزينب

حجرة الصالة

* يرن جرس التليفون مرتين
"رسالة صوتية" . .

* حسن صوته مزكوماً :

آبوة يا سميح أنا حسن . . كلمتك
الصبيح ماعبرتنيش . كلمتك فى
المكتب رد علياً صوت بيرعش زى
الزمبلك مافهمتش منه غير لأ لأ
لأ . . لو مالحقتش حاجتك قبل
الأوان هتخسر وانت حر
بقى . . .

إضاءة شبه مظلمة لعدم وجود أحد
بالمنزل

@ قطع

نهار داخلي - حجرة مكتب سميح بوزارة الزراعة

* سميح يقلب بين أصابعه عود
ثقاب لم يشعل من قبل بصفة
مستمرة

* سميح يرمى هاشم الواقف أمامه
على بعد بنظرات حادة من تحت
نظارته

سميح : من غير ليه
هاشم : يا فندم تخصملى يومين من
غير ما تسمعنى؟!

* ملحوظة : تقلب سميح عود ثقاب
بين أصابعه لزمة لا تفارقه علماً بأنه
لا يدخن

هاشم : طب والله العظيم . . .
سميح (مقاطعاً) : كلمة ونص . .
هاشم : يعنى لو قلت الحقيقة مش
هتخصملى؟

سميح : طبعاً لأ، غلط تاخذ
جزءك، بس على الأقل
هحترمك . .

هاشم (مخجل) : أصل الواد ابنى

الصغير خبط فى دماغه الصبح وانا
نازل، قال إيه حبك النهاردة يشتري
شورت وماعرفش ايه عشان حصّة
الألعاب، وانا جييى بيصفر م
الهُوَّ . أفهمّ فيه، يعيِّط . زعقت،
عمل قفلة، أمه نكدت ع الكل . .
"بعد برهة" . . الوقت سرح،
عدت الإمضا

* سميح يرقبه منتظراً

سميح : عندك خصم يوم
هاشم : (مستحلفاً) : طب مش
ممكن . .

سميح (مقاطعاً) : أنا خلصت
هاشم : يا فندم دى حاجة تانية
عايز استأذن حضرتك أعمل طلب
سلفة وامشى بدرى ساعة
سميح : سلفة آه، تمشى بدرى لأ
هاشم (مخرجاً) : متشكر يا فندم

* يعاود سميح النظر فى الملفات
* يقترب هاشم أكثر من المكتب

* سميح لا يرفع عينيه عن الملفات
ومازال يقلب عود الثقاب بين
أصابعه

* يتجه هاشم ناحية الباب

هاشم (يبرطم فى ضميره) : خلينى
احترمك . . آدينى اتنيلت بقيت
محترم . . يعنى خدت نوبل يا
خى . .

- بصمت صوت الموسيقى

عند وصوله للباب

* هاشم يضع يده على مقبض الباب
وقبل فتحه مباشرة
* يذهب هاشم للكاسيت ويضع
الاسطوانة يلتفت خلصة ليطمئن أن
سميح منهمك ويستدير متوجهاً إلى
الله

@ قطع

سميح : غير الاسطوانة يا هاشم
هاشم : أمرك يا فندم
(يرطم فى ضميره) : إلهى وانت
جاهى يقلبوك كورة شراب إنت
وكل مدير مفترى قادر يا كريم . .

نهار داخلي - منزل سميح وزينب

حجرة الطعام

(أصناف قليلة من الطعام بكميات معتدلة)

* سميح يجلس على مقعده مرتدياً
القميص ورباط العنق (من المشهد
السابق)

* الجاكرت معلق على الكرسي خلفه
لا يأكل في انتظار زينب

* تأتي زينب من المطبخ وهي تحمل
طبقين ممتلئين وترتدي مريلة المطبخ
مربوطة خلف الخصر وخلف
الرقبة

* ينهض سميح على الفور يستوقف
زينب ويحل لها رباط مريلة المطبخ
من خلفها من منطقة الخصر وهي
تستقبله خجلاً

* ثم يستدير ويقف أمامها ويخلع
عنها المريلة برفق من عنقها وزينب
مستسلمة له بحب وحزن

الاثنان يتحاشيان التقاء الأعين ، لكن
يبدو أن سميح هو الأكثر هروباً
* يلقي سميح بالمريلة على أحد
المقاعد

* يمسك سميح الطبقين من يدي
زينب

* تتمسك زينب بالأطباق
زينب "معتزة" : أنت جاي
تعبان . . طب غير هدومك الأول

* يصر سميح ويحمل عنها الطبقين
برفق وتستسلم زينب
* يتجهان للمنضدة ويجلسان
* يشرب سميح الشوربة فى هدوء
متعمداً تثبيت نظره فى الطبق بينما
يخطف نظرات سريعة لزينب بين
الحين والآخر

* زينب تجلس فى المقعد المقابل
وتشرب الشوربة بهدوء مثبته
نظرها على سميح

* يرفع سميح نظره ويؤخذ بعينى
زينب الملحة فيرتبك فى لمحة
سريعة ويعتدل فى جلسته ويعاود
النظر لطبقه

* تقوم زينب وتحضر فوطة طعام من
أحد الأركان القريبة وتضعها أمام

سميح وتعود مكانها تستكمل

الشوربة فى صمت

* سميح يضع الفوطة على قدميه

كل منهما يعاود النظر فى طبقه

سميح : متشكر

"متشجعاً" : كلمتى حد فى

التليفون النهاردة؟

زينب : ما انت عارف .. ماجبش

التليفون

برهة صمت

سميح : رديتى على جواب

صاحتك؟

زينب : فاضل سطين

سميح : وأهم حاجة دائماً آخر

سطين

زينب : لو كنت بعثلك جواب

الشهر اللى فات زى العادة ، كنت

هتلاقى الورقة فاضية ..

* تخرج زينب ورقة مطوية من جيبها

بعناية

* زينب تفرد الخطاب أمامها وتقرأ

بعينها ما كتبت أثناء استكمالها

الطعام بينما تشغل شفتها

بالشوربة

لحد امبارح بس ماكانش عندى

حاجة اقولها ، ولا حتى لنفسى ..

شهرين وسميح يطلع معاش .

كان لازم اعمل حاجة ، أى

حاجة ..

زينب : مش طول عمرك كان

نفسك تتعلم كمانجه

* سميح يتابع زينب بنظراته الخاطفة

* زينب ترفع رأسها فجأة تجاه سميح

* يضع سميح الملعقة فى الطبق بتأثر
محاول إخفاءه

* تتغير ملامح سميح

* تواصل زينب طعامها

* تستكمل زينب تناول الشوربة

* يتوقف سميح عن الطعام ويبدو
مدهوشاً

* تنهض زينب وتتجه لمقعد قريب
من سميح عليه شال يغطى كتلة
طويلة

* تلقى زينب بالشال جانباً فيظهر
صندوق الكمانجيه

سميح : إنتى لسة فاكرة يا زينب . .
زينب : وانا من امتى بنسى حاجة
بتحبها يا سميح؟!

سميح (مرتبكاً): ساعتى وقفت من
شوية . . بس انا مش نازل تانى
النهاردة، بكرة ان شاء الله ابقى
اشتريلها حجر .

زينب : لأهتازل النهاردة
سميح : إنتى عايزة حاجة
ضرورى؟

زينب : أنا قدمتلك فى معهد خاص
قريب عشان تتعلم كمانجيه
ودفعتلك المصاريف . عندك دروس
ثلاث مرات فى الأسبوع لمدة
شهرين . .

كانت فيلا قديمة وعملوها معهد
مزيكا

* تحمل زينب صندوق الكمانجه
وتقترب من سميح المأخوذ
* تمد له يدها بالصندوق

زينب : بعد ما خلصت الإجراءات
نزلت شارع محمد على واشتريتلك
الكمانجه دى .

فى الصندوق هتلاقى الكارنيه
وعنوان المعهد والمواعيد . أول درس
عندك بعد أربع ساعات

* يقف سميح فى مواجهة زينب
* يعقد لسان سميح من المفاجأة
* يمد يده ويتناول الصندوق منها
بحرص شديد
* يفتح الصندوق ويجد ورقة مطوية
يضعها فى جيبه مباشرة دون فتحها
* يخرج الكمانجه من الصندوق بحب
واضح وخوف ويقبلها بين يديه
محاولاً الحفاظ على جمود ملامحه ولا
ينجح

سميح : زينب ...
زينب : ما تتعشش نفسك فى التفكير
يا سميح . . أنا عايزاك تنبسط

* سميح ينظر لزينب ممتناً ويمسك
يدها
* تسحب زينب يدها برفق

@ قطع

نهار خارجى - أمام عمارة سميح وزينب

* البواب حجاج شرس الهيئة ضخم
يجلس على الدكة الخشبية سائداً
رأسه إلى الحائط نائماً فى منظر
مضحك

* تتطلع اليه الشابة تهانى (فى
بدايات الثلاثينيات)

* تتفرس تهانى وجه البواب وتدور
حوله كأنه فريسة وهى تحمل
أكياسا مليئة بمستلزمات منزلية
وطعام

* تتوقف تهانى فجأة وتصرخ
* يفزع البواب وينقلب على الأرض

البواب: خير يا ست تهانى . . حد
داسلك على طرف ، ولا حد بايع
عمره يهوب ناحيتك . .

تهانى: آهو باعه وهوب يا حجاج
الزفت

البواب: أقطع دراعك . . أقطع
دراعى لو كنت فاهم

تهانى: إنت ماتخلقتش عشان تفهم

* طوال الديالوج تحيط تهانى بالبواب
من كل اتجاه وهو حائر بين الرد
عليها والهرب منها

أساساً . . إنت جيت الدنيا دى
عشان أنا ابهدل فيك وافش فيك
غلى وبس!

البواب: خدامك يا ست تهانى . .
أنا قدامك آهو . . فشى

تهانى: تطلع للمستلوح اللى اسمه
حسن اللى محتل الروف اللى فوق
نافوخى بالظبط . . وتقولله يخلى
عنده دم ويحمد عصافيره بدرى
عشان انا كمان اعرف اتحمد

البواب: ما تتخمدى يا ست
تهانى . . هو حد حايشك؟

تهانى: إنت تخرس . . أنا بس اللى
اقول اتحمد . . لكن اتحمد ازاى
وهو مريبلى كل عصافير الدنيا
والآخرة فوق نافوخى؟؟!!

البواب: هم الصراحة كتار زى
أنفار الغيط . .

تهانى: دا انا بيتهيألى إنه بينزل يقلب
الشجر زرع بصل ويؤشهم آش
البواب: طب وانا دخلى إليه
بالموضوع؟

تهانى: تطلع تقولله . . لو عصافيره
دى مـانـكـتمـش هـطـلـع

اطير هو مله . .

البواب : حاضر

تهانى : ولا اقولك . . أنا هغطى
كل الأفصاص بالكبريات والبطاين
واخنقهم كلهم مرة واحدة

البواب (خائفاً) : اللى تشوفيه يا
ست تهانى

تهانى : ولا اقولك . . أنا هحميهم
بمية متلجة فى عز البرد واخليهم
يناموا مشتحين على منقارهم
تهانى : ولا اقولك . .

البواب (يصرخ) : طيسيسيسيس

البواب : الله يقطع الطلاق
وسنينه . .

* تدخل تهانى وتعود من خلف
البواب الذى يفزع منها دائماً دون
أن يكون متنبهاً

* تدخل تهانى العمارة وتعود من
خلفه دون أن يدري فيفزع مرة
أخرى

* تدخل تهانى وتعود من خلفه
وفيزع للمرة الألف

* تدخل تهانى العمارة منتصرة
والبواب يتابعها هذه المرة بترقب
شديد وهى تصعد

تختفى تهانى عن النظر وعندما
يتأكد البواب من اختفائها تماماً
يرفع صوته أعلى قليلاً

@ قطع

وقت الغروب داخلى - روف عمارة سميح وزينب

التراس الملحق بمنزل حسن

(الروف مكون من شقة صغيرة يسكنها
حسن أقرب أصدقاء سميح لقلبه -
ملحق بالشقة تراس مساحته واسعة
يكتظ بأقفاص العصافير وأنواع الزرع
المختلفة - الديكور مثير للغاية - التراس
يطل على منظر رائع للقاهرة - أربعة
مقاعد من البامبو ومنضدة صغيرة
خفيفة - شيشه مرتكئة إلى الحائط -
كرسى هزاز صغير منزوى فى أحد
الأركان - مرجحه صغيرة - إضاءة
هادئة غير مباشرة - لافتة غريبة التصميم
مكتوب عليها " جنة حسن وشركاه ")
(حسن فى نهايات الأربعينات أو أوائل
الخمسينات)

* حسن يرتدى شورى وتى شيرت
نصف كم رغم البرد - على رأسه

قلنسوة مضحكة - فى فمه بايب
منطفىء - يرتدى حذاء رياضياً بينور
* سميح يتبع حسن من مكان لآخر
حاملاً صندوق الكمانجه بعناية ولا
يفقد هدوءه طوال المناقشة وفى يده
منديل اتقاء لعطس حسن المستمر
* حسن مازال مزكوماً

* حسن يتجول بخطى سريعة ممسكاً
بالمنديل فى يد وبرشاش المياة فى اليد
الأخرى يسقى كل الزرع الموجود
بالتراس وما أكثره

" زقزقة عدد كبير من العصافير
فى الخلفية "
حسن : والله العظيم ما انا فاهم
حاجة
سميح : يا أخى هو انا بسألك عن
سر نظرية النسبية
- حسن يعطس فجأة بالقرب من
سميح

سميح : يرحمكم الله
حسن : عشت الله يخليك معلىش
أصل انا ساعات كدا بتنّح مع
نفسى ومايستقبلش
- حسن يصدر بالمنديل صوتاً
مزعجاً تماماً من أنفه

سميح : إيه القرف دا . . ؟؟
حسن : يعنى ما انفّش !!

* سميح يتراجع تلقائياً ويزيد ضغط
المنديل على فمه

* سميح يبدى امتعاضاً

سميح : سيبك م العطس والنف
وجاوبنى

حسن : إيه السؤال بقى؟
سميح : نقول تانى . . تفتكر ليه
المدام عملت كدا؟
حسن (ضاحكاً) : طب وانا
هعرف مين، هى كانت مدامى
ولأ مدامك؟!!

سميح (بحزم) : ما تسيب البتاع
اللى ف ايدك دا واهمد وكلمنى

عطسة شنيعة!!!!

سميح : يرحمكم الله
حسن : عشت يا حبيبى
- حسن يصدر من أنفه صوتاً
عالياً بالنديل

سميح : ولما انت عيان كدا
سيتلى رسالة ليه آجيلك
دلوقتى؟
حسن : أنا ما قلتش دلوقتى أنا

* سميح ينتزع الرشاش فجأة من يد
حسن

* حسن يترك الرشاش لسميح ويقفان
متواجهان

- حسن يعطس بقوة فى وجه سميح

* يتراجع سميح بعنف ويسرع بوضع
المنديل على فمه وأنفه

* سميح يطلق تنهيدة يائسة

* حسن يذهب ويتوقف أمام أحد
أقفاص العصافير ويمد يده بداخله
ليعدل مسقاة المياه المنقلبة ويداعب
العصافير

قلت النهاردة، أنا كلامى محدد .

بس مش غريبة يا سميح . !
من يوم ما سكنت عندكو من
خمس سنين وانت بتاخذ رأى فى
مشكلة الصومال ، ورد النيل ،
براكين اليابان ؛ لكن مشكلة
عائلية . . جديدة دى

سميح : يعنى إيه؟؟
حسن : عمك سقراط يقول
"إعرف نفسك"

سميح : ودا وقت فلسفة؟
حسن : صو صو صو صو
" مخاطباً العصفور " يا جميل انت
يا ابو ألوان كهربا
- حسن يصفر للعصافير

سميح : تصدق بالله . . إنت رايق
حسن : إلا قوللى يا سميح . .
إنت زعلان ولأ فرحان من
كورس الكمانجه دا؟

حسن : هو انت جاوبت ولأ انا
ودانى مزكمة رخرة من كتر
الزقزقة؟

* سميح يلتفت إليه مستفهماً

* حسن يغلق باب القفص ويواجه
سميح

* حسن ينتقل لقفص عصافير آخر

* حسن يعطى ظهره لسميح

* يشرد سميح دون رد

* يلتفت حسن لسميح

* يكف حسن عن الهزار فجأة
يأخذ الرشاش من سميح

حسن (بنبرة جادة مفاجئة): يا لالا
يا سميح عشان تلحق الدرس
سميح: طب وعصفور الجنة اللي
اشتريتهولي؟

حسن: وانا هروح فين، ما انا
فوقك بدورين . . وانت جاى
عدى خُده

سميح (متمنيًا): هتكون
صاحي؟

عطسة مخيفة
حسن: عمرك شوفت جنة
بتقفل؟!!

- حسن يعطس فجأة

* يتراجع سميح لاإرادياً

تزداد حيرة سميح

@ قطع

ليل داخلي - معهد تعليم الموسيقى

حجرة الدرس

(آلات موسيقية متنوعة - بعض المقاعد الخشبية ذات اليد العريضة ليكتب عليها الدارسون - ستاند معدنى للباريتورا - سبورة - طباشير - قطعة قماش تستخدم بدل البشاوره - دولاب صغير - منضدة)

- * باب حجرة الدرس مفتوح
- * سميح يقف قبل باب الحجرة بخطوة يستعد من داخله ويتسمع
- * يتقدم سميح حاملا كمانه يتطلع لشاب يعطيه ويعطينا ظهره يعزف بتمكن المقدمة الموسيقية لأغنية "توبه" لعبد الحليم بإيقاع أبطأ من رتم الأغنية المعتاد
- * سميح يندق على الباب دقتين بوجهه الصارم المعتاد
- نغمات عزف البيانو
- دقات سميح

* يلتفت إليه الشاب العازف دون
التوقف عن العزف ويشير له برأسه
مبتسماً ببشاشة يدعوه للدخول
(الشاب فى منتصف العشرينات)
* يتردد سميح قليلاً ثم يدخل ويقف
فى مواجهة الشاب يريد أن يقول
شيئاً والشاب مازال يعزف متطلعاً
إليه منتظراً وهو يعزف لكن سميح
لا يقول شيئاً

* فيبدأ الشاب فى الغناء بصوت
عذب بإيقاع الأغنية المعتاد

* سميح يراقب الشاب ببوادر تحفز
* يعيد الشاب عزف الجملة
الموسيقية المميزة للأغنية بإيقاع
سريع متفاعلاً معها بكل حواسه
حتى ينهى العزف

* يتطلع الشاب لسميح بشوشاً وهو
جالس ويشير إليه

* سميح يستقبله بكبرياء ولا يتحرك

توبة - توبة ان كنت أحبك تانى توبة
- بس قابلى مرة وتبقى دى آخر توبة
- وبعدها توبة

الشاب: سميح الأخضر . . كورس
مبتدئين فيولين ، وأول مرة النهاردة ،
صح؟ إتفضل استريح واقف ليه؟
سميح: إنت متعود تكلم اللى أكبر
منك وانت قاعد، وترفع الكلفة كدا
مع حد ماتعرفوش . .؟؟

الشاب : عندك حق . .

* يؤخذ الفتى ويحاول الابتسام

مستوعباً ويقف ببطء

* ينظر إليه سميح منتصراً ويذهب

للجلوس على أبعد مقعد يضع

ساقاً على ساق وصندوق الكمان

على قدميه والفتى يتابعه بضيق

متراجعا خطوة للبيانو فيضغط

خطأ على أحد النغمات الغليظة

* يخرج سميح من جيبه عود ثقاب

ويظل يقلبه بين أصابعه كعادته

* لحظات صمت ثقيلة

* يقلب سميح الغرفة بعينه ثم ينظر

فى ساعته مطمئناً وفجأة يهب

واقفاً مجزم حاملاً كمانه

سميح : البنى آدم اللى مايحترمش

معاده يبقى مالوش لزمه

" للشاب " لما ييجى المدرس قوله

إنى جيت بالثانيه ومش جاى تانى

الشاب : أولاً أنا مش سكرتير

حضرتك . . هو إنت متعود ترفع

الكلفة كدا مع حد ماتعرفوش؟

ثانياً : أنا شريف عبد الوهاب

مدرس الفيولينه اللى مستنى

تشريفك قبل معادك بعشر دقائق . .

(سميح يتحجج بالوقت ليهرب من -

التجربة ككل)

* يتجه ناحية الباب مجتازاً الشاب

* يلتفت إليه سميح متحفزاً والشاب

يسترسل بطلاقة

ولو مش عاجبك إن المدرس بتاعك
يبقى ف عمر ولادك، المعاهد كتير .
ما هو ذا اللي جايينا ورا . .

* يتردد سميح بين الحرج والإعجاب
بالفتى الواصل بنفسه
* يعود سميح بهدوء تجاه مقعده ثم
يتوقف
* شريف يتعمد إهماله ويراجع
مقطوعات البارتيتورا

سميح : أنا سألت سؤال من
شوية . .

شريف "بعد برهة" : فريد راح
يتكلم فى التليفون وجاى
سميح : تليفون وقت الشغل؟؟!!!!
شريف (بغيط) : دا درس مزيكا مش
معتقالات البربر . . !!

سميح (متمعضاً) : هى دى اللى
بتمسحوا بيها؟؟

شريف : إعدل الكمانجيه

* شريف يتجه للسبورة الممتلئة
بالحروف الموسيقية ويمسح السبورة
بقطعة قماش
* يتوقف شريف لحظه بغضب
ويلتفت لسميح فيجده جالساً وقد
وضع الكمان على الأرض مستندة
إلى الحائط

* يعكس سميح وضعها

شريف (بإصرار): الكمانجه
ماتتحتش على الأرض أبداً

* شريف يستكمل مسح السبورة

* يتقبل سميح التعليمات بتعالى

ويضع الكمان على قدميه بحرص

* يبدأ شريف فى رسم خطوط

عرضية على السبورة ثم يضع

علامات السلم الموسيقى

* شريف يجيب دون أن يلتفت

يلتفت شريف لسميح فيجده لا

يكتب معه

شريف: دى تانى محاضرة ليه

وطبيعى هنراجع السلم الموسيقى .

المره الجايه تجيب معاك كراسه

موسيقى كبيره وكشكول فاضى

وقلم رصاص سن ربيع وأستيكة

وفوطه صغيره .

خد ورق أبيض من الدولاب وامشى

معايا فى العلامات واحده واحده .

* يعاود كتابة السلم على السبورة

يتقبل سميح التعليمات بامتعاوض

@ قطع

ليل داخلي - شقة حسن

حجرة الصالة

(شقة حسن مكونة من صالة وغرفة نوم
وغرفة معيشة على طراز القعدة
الشرقي- ديكور الشقة غريب مثير
للغاية يضم كل أنواع الفنون المختلفة
في كل ركن بدءاً من الرسومات
والمصقات والألعاب على باب
الشقة من الداخل والخارج حتى
الشيش والزجاج - مصادر غريبة من
الإضاءة توحى بجو شديد العذوبة -
سماعات ستريو على الحائط في كل
الغرف)

- الكاسيت العالي جدا يذيع أشهر
جزء من غناء الكورال لكارمينا
بورانا

* حسن يمسك بمقشه طويلة في يده
ويرتدى جاكيت سموكن بالمقلوب
أى فتحة الجاكت في الخلف على
بنطلون بيجامة ونظارة غطس .
ويضع في قدمه اليمنى فردة شبشب

(هذا المشهد إما أن يكون مصمماً
أو ارتجالياً)

[illegible]

@ قطع

ليل داخلى - حجرة الدرس بمعهد الموسيقى

- * شريف ينفض يده من
الطباشير وقد انتهى من
رسم السلم الموسيقى
- * سميح منهمك فى نقل
السلم على الورقة أمامه
مستنداً على يد الكرسي
وكمانه على المنضدة
ويضع النظارة على عينيه
- * فجأة يقتحم الحجرة طفل
صغير خفيف عمره تسع
سنوات ينطلق عدواً دون
تركيز يريد الجلوس على
نفس مقعد سميح حاملاً
صندوقاً صغيراً للكمان
مرتدياً ملابس شتوية
ثقيلة وسويتير بجيب
واسع ، فيصطدم بسميح
- شريف (بصوت مرتفع): خلّص يا فريد
هنتغل
خطوات فى الخارج تعدو بمتهى السرعة
تقرب بالتدريج من حجرة الدرس
- فريد (لاهثاً لشريف): إوعى تكون بدأت من
غيرى؟
شريف: وانا اقدر
فريد (لسميح): قوم قوم من ع الكرسي
بتاعى

الجالس على مقعده ويكاد
سميح ينقلب على
الأرض
لا يلتفت فريد لما حدث
لسميح

فريد يفاجأ بوجود سميح
يتبادلان نظرات مندهشة
ينظر سميح إليه مباغتاً
* يقف سميح غاضباً
سميح لا يصدق مشيراً
لفريد

سميح : إيه التهريج دا . . مين دا؟؟!!!
شريف (بهدهوء) : أحب اعرفك . .
الأستاذ فريد زميلك الوحيد فى الكورس
شريف : أيوه دا . . دافع فلوس زيه زيك
سميح : مستحيل . .
فريد : هو انا عملتلك حاجة خالص يا اسمك
ايه؟؟ أنا طسيت فيك غصب عنى . .
سميح (مستنكراً) : يا اسمك ايه؟؟
طسيت؟؟!!!!!!!!!!!!!!!!!!!!!!
شريف (لسميح) : هو انت معترض على كل
حاجة

سميح : أنا ماشى
فريد : ماتجيش تانى . . وماتبقاش تقعد ع
الكرسى بتاعى ، دا حتى انت كبير عليا أوى
ومش هنعرف نروّش سوا

* سميح يجذب الكمانجة
بعنف من فوق المنضدة
لا يمنع شريف نفسه من

الابتسام

* فريد يتأمل سميح بتحدى

* شريف يقف بينهما
حكماً

سميح (مغتاظاً): إيتأدب يا ولد

شريف (بحسم لسميح): يا سيدى هو بس
مضايقتك فى ايه؟ ماكانش يعرف إنك هنا،
ثم أنا كفيل أتعامل مع كل واحد باللى
يناسبه. إنت حضرتك بتشتغل ايه؟
سميح (بتكبر): وكيل وزارة الزراعة
شريف: والعلم بيقول ماتحكمش على شىء
أو شخص إلا بعد تجربة عملية.

* يتوقف سميح مغلوباً

بالمنطق ويعود مكانه

بصعوبة وتردد

* يترك سميح مقعد فريد

ويذهب للجلوس بعيداً

تاركاً له مساحة واسعة

لرؤية السبورة ويفرد

الأوراق أمامه مرة أخرى

ويضع الكمان على قدميه

يقلب شريف بعض

النوت على الباريتورا

ويراقب المعركة بين

سميح وفريد خلصة

* يجلس فريد على مقعده

فى الطرف الآخر

* يلتفت له سميح بغيط

* فريد يقفز يلف حول

سميح

* فريد يواجه سميح

* شريف يكتفم الضحك

يدهش فريد لحظات ثم

ينفتح فى ضحك متواصل

فيختل توازنه ويقع على

الأرض مستكماً

ضحكاته الصاخبة بكتفيه

وقدميه وينظر ويشير إلى

سميح مواصلاً إطلاق

ضحكاته وسط غضب

سميح الشديد المصحوب

بوقع المفاجأة

* يقف شريف حائراً بينهما

كأنما ضحكاته

@ قطع

فريد (يداعبه): مش شايف

سميح: ما الدنيا واسعة اهي يا إبنى . .

فريد: أنا مش ابنك . . أنا حافظ شكل بابايا

كويس إسمى فريد، ولو اتصاحبنا ممكن

تقوللى رافايللو .

سميح: رافا إيه؟!

فريد (متجاوزاً السؤال): وانت اسمك إيه؟

شريف: حقه يعرف

سميح (بصبر نافذ): سميح الأخضر

فريد: أخضر . . أخضر يعنى؟؟؟

ليل داخلى - منزل سميح وزينب

حجرة النوم

* يفتح سميح باب الغرفة مكفهرًا
حاملا صندوق الكمان ويترك
الباب مفتوحًا
* تجلس زينب تحت الغطاء على
الفراش مستغرقة فى دور الشطرنج
مع نفسها كالمعتاد واللعب على
أشده
* فوق الكومودينو بجانبها ظرف
جواب مغلق
* ما إن ترى زينب سميح حتى تغلق
الرقعة بيديها دون تردد
* تنظر إلى المنبه بجانبها الذى يشير إلى
الثامنة والنصف وتعاود النظر
لسميح بنظرات متسائلة
* يدخل سميح غاضبًا ويضع
الكمان على الكرسي

* يجلس بعيدا عنها على الطرف
الآخر من الفراش ويخلع الجاكيت
ويضعه بجانبه
* زينب تنتظره

زينب : أستاذ شريف ماجاش ؟
سميح : إنتى تعرفيه ؟
زينب : شوفته الصبح .. ولد
مهذب جداً ولماح
سميح : أوى !!
زينب : دا الأول على دفعته ومعيد
فى الكونسيرفتوار
سميح : واتنى عرفتى دا كله مين ؟
زينب : سألت .. مش لازم اطمئن
على حاجتك بنفسى
زينب : راجع فاضى يعنى
سميح : فكرينى يا زينب ..
زينب : حجر الساعة
سميح : ماشوفتش محل ساعات فى
سكتى
زينب : ولا اللى تحت المعهد ؟
سميح (بعد برهة) : مابصتش
حواليا

* يهرب سميح من عينيها ويتشاغل
بخلع الحذاء

* ينظر سميح فى ساعة يده فيجدها
متوقفة

* تثبت زينب عينيها فى عيني سميح

بيأس فيهرب هو منها ويستكمل

خلع ملابسه

* تزيع زينب الغطاء وتنهض من

فوق الفراش وييدها رقعة

الشطرنج

* يراقبها سميح بتوجس وتتوقف

حركته تماماً

* زينب تنظر لسميح بحزن مكتوم

* تخرج زينب من باب الغرفة وتغلقه

وراءها بزهمق وترك سميح

مضطرباً

@ قطع

سميح: طب مش تعرفى أنا جيت

بدرى ليه؟

زينب: تصبح على خير

نهار داخلي - وزارة الزراعة

حجرة السكرتارية

- * هيام تجلس وراء مكتبها
* عم أحمد يقف عند باب الحجرة
المغلق منشغلا
- هيام : إيه يا عم أحمد؟
عم أحمد : سلامتك
هيام : مش زى عوايدك
موظف ١ "ساخرا" : آه يعنى مش
بتلطفش ولا بتلبخ ولا بتتحفنا بدروس
تربية ثنى مدع الصبح
عم أحمد : أنا مش هرد عليك
موظف ٢ : يا لهوى ، دى لازم كارثة
كوكتيل . تكونش لسه زعلان ع
النعجة دوللى الله يرحمها؟!
- * يقوم الموظف الثانى من وراء
مكتبه مقتربا من عم أحمد
- موظف ١ : والنبى كانت بنت حلال
مصفى ، ولو إن ماحدش يعرف كانت
بنت مين فى المجتمع . .
- * ينهض موظف ١ مقتربا من عم
أحمد
- * عم أحمد شاردًا
- هيام : خليك معايا يا عم أحمد
وجاوبنى

عم أحمد: مش انا اللي مالى يا أستاذة
هيام . . دا البيه النهاردة شكله مش قد
كدا

هاشم: وهو من إمتى يعنى كان شكله
غير كدا!

موظف ١: هو النكد دا مكتوب علينا
زى الحيل! يعنى العو بقاله ساعة
محبوس فى مكتب الوزير والرحمة جاية
من عنده ربانى، لازم يعنى تجيب
سيرته؟

"لهيام" صعبان عليكى نشم حبة هوا
نضيف؟؟! دا انا بخاف انام فى الضلمة
ليطلعلى بالليل

موظف ٢: بقولك ايه يا عم أحمد . .
عايزينك خامس فى جمعية
عم أحمد: ومين الأربعة؟
هاشم: أجيبلك تليسكوب عشان تملى
عينك بينا!

عم أحمد: إنت بالذات تتركز على
جنب لوحذك . . إيش حال لو
ماكتتش بتننوو من مصاريف البيت
والعيال طول النهار زى اللبانة
هاشم (متصنعاً الزعل): أنا بنونو يا
عم احمد . . ليه كلب؟؟

* هاشم من وراء مكتبه

* يبدأ عم أحمد فى الغضب

* فجأة يقفز موظف ١ جهة عم
أحمد

* تفزع هيام

موظف ١ (صارخاً): حاسب يا عم
ويجذبه من ملابسه

عم أحمد (مفزوعاً): إيه؟؟

موظف ١ : قطعة معدنية هتخطف
اللحمة

* يحيط موظف ٢ وهاشم بعم
أحمد بسرعة

موظف ٢ وهاشم: نوووووووووو
عم أحمد: يارب . . . الثلاثة بيعة واحدة
خداهم وريحنى بقى

@ قطع

نهار خارجى - حديقة صغيرة

فى أحد الأندية الرياضية

* زينب تجلس خلف منضدة تقرأ
كتاب الأعمال الكاملة لأشعار
أحمد شوقى ولا تلمح عم شرف
الجرسون المسن الذى يقترب منها
حاملا الصينية عليها عصير برتقال

* يضع الكوب

عم شرف : أتاى السما لابسة
هدوم العيد م النجمة النهاردة

زينب : إزيك يا عم شرف

عم شرف : فىن بقالك كام يوم
مابتبائيش يا ست زينب فى النادي؟

زينب : آيوه فعلا . . بقالى أسبوع
بخلص لف التراك وبقعد فى الجنيئة

الكبيرة ألعب شطرنج مع اصحابنا
عم شرف : والجنيئة الصغيرة

مالهاش نفس تنونس بيكى؟

زينب : إزاي بتتك مريم؟

* تتبه زينب لوجوده وللعصير وتمد
يدها تأخذ الكوب

* تحجل زينب

* زينب تشرب العصير

عم شرف : بتمتحن الترم
زينب : هانت يا عم شرف ، دى
آخر سنة ف كلية الآداب وتستريح
انت وهى

عم شرف : وهو حد حبيبها فى
العربى من صغرها إلا حصة المدرسة
بتاعة حضرتك

زينب (بتأثر) : دى حاجة بقالها
سنين يا عم شرف أنا صحيح
سييت التدريس لكن أرجعهمه دا
مستحيل

* زينب تهز الكتاب بيديها

* عم شرف ينحنى يلتقط عنوان
الكتاب

عم شرف : أشعار شوقى بيه
زينب : الأسبوع الجاى إن شاء الله
تاخده لمريم تقراه وترجعهمولى
عم شرف (ممتناً) : تصدقى بالله . .
(مترجعاً) . . ولا حاجة أنا هروح
اجييلك شفشق العصير بحاله

* زينب تنتظره

* عم شرف يتركها مهرولا

* تبسم زينب ابتسامتها الحزينة
وتعاود قراءة الكتاب

@ قطع

ليل داخلي - شقة حسن

حجرة القعدة الشرقي

* لم يتبق من مرض حسن سوى

سعال خفيف

* حسن يجلس على شلثة يدخن

الشيثة في مواجهة سميح الذي

يقف متوتراً

* حسن مستغرقاً في نوبة ضحك

طفولية ويسعل

* سميح ينظر له بغیظ

ضحكات وسعال حسن

سميح : خلاص . . خلصت وصلة

الكوميديا؟

حسن : طب والله العظيم الواد دا

بيفهم

سميح : إنت تحب حد يتریق عليك

واقعد اضحك؟

حسن : وهو دا حد . . دا رافايللو

سميح (مقلداً رافايللو): أخضر

اخضر يعنى؟؟

* تهدأ ضحكات حسن قليلا

واترمى ضحك زى ما يكون بيتفرج
 على فيلم لنجيب الريحاني
 حسن: طب أنا راضى ذمتك . .
 يعنى افرض جيت اقدملك نفسى
 دلوقتى وقتلك واننا لا مؤاخذه
 يعنى مكشر وقرفان فى عيشتى
 ويشمخه كدا . . أنا حسن
 بنفسجى فى رصاصى . . هتعمل
 إيه . . ؟!!

* سميح يغتاظ أكثر

* يتنبه حسن فجأة

حسن: إيه دا . . وانت تعرف
 الريحاني عمدة كفر البلاص منين؟!
 هو انت لا سمح الله بتتفرج ع
 التليفزيون زى بقية أفراد الشعب . .
 سميح: أنا خلصت . .

* سميح يهم بالخروج

* حسن يقف بسرعة تاركا الشيشة

حسن: طب ماتزعلش استنى
 بس . . أنا بهزر

سميح: الدنيا مش كلها هزار يا
 حسن

حسن: والدنيا مش كلها جد يا
 سميح

* سميح يدير ظهره لحسن

سميح: طب خلصنى . . هات
 عصفور الجنة بتاعى

* يحضره حسن من مكان قريب

ويعطيه لسميح

* يلتفت إليه سميح

حسن : يعنى فركشت الكمانجه

بكرة؟؟؟

سميح : جابهها منين رافايللو

دى؟؟!!

@ قطع

ليل خارجى - أحد شوارع القاهرة المزدهمة بمحلات

الملابس

(هيام من عائلة أقل من المتوسط)

* هيام تتسوق مع والدتها تتمشيان قليلا ثم تتوقفان أمام أحد المحلات وتركز هيام نظرها على فستان بسيط أعجبها معلق عليه سعر معتدل (مائتان جنيه)

هيام: إيه رأيك فى الفستان دا يا

ماما؟

الأم: كويس

هيام: وسعره كويس

* تهيم هيام بدخول المحل ووالدتها تجذبها برفق تبتسم الأم وتأخذ يد هيام وتستكملان السير

هيام: إيه.. مش قلنا كويس؟

الأم: إستنى ندور فى محل تانى

يمكن نلاقه أرخص

هيام: طب ودا هيغلى سمره

ليه؟؟

الأم: أبوكى الله يرحمه برضه . .

كان دائماً يقول علياً شريرة!

@ قطع

ليل داخلى - حجرة الدرس بمعهد الموسيقى

شريف (لسميح): كنت مستنيك
سميح: مساء الخير

* يقتحم سميح حجرة الدرس
نشيظاً متجهماً كعادته حاملاً
كمانه وحقيية جلدية صغيرة
ويقف بين المقاعد
* يمسك شريف بقطعة طباشير
ويقف أمام السبورة
* يقف رافايللو أمام المنضدة يضع
كمانه عليها بجرص بجانب قطعة
القماش المستخدمة فى مسح
السبورة

رافايللو (لشريف): هو
مخاصمنى؟!!

سميح: إحنا هنبدى بقى؟؟؟
شريف: إيه يا فرى، إيه اللى
حصل؟

* يهز شريف كتفيه لا يعلم
* يقفز رافايللو فجأة ويخطف قطعة
القماش التى تستخدم فى مسح
السبورة ويعود لمقعده الذى يقبع
فى نفس المكان من الدرس السابق
ويمسح مقعده بقطعة القماش

حتى يصطبغ الكرسي باللون
الأبيض وسط دهشة سميح
وشريف
* فريد مستمر فيما بدأه دون رد

شريف: يا كابتن . . برج المراقبة
ينادى . . ماذا تفعل؟
فريد: آخر مرة حد نادانى فرى
ماحصلوش طيب؟؟ قلنا ميت مرة
رافايللو

* يعيد رافايللو قطعة القماش فوق
المنضدة

شريف: أنا أسف يا رافايللو
افندى . . ممكن تفهمنى جنابك
بتعمل ايه؟

* سميح صامتاً متذمراً آملاً فى
غضب شريف

رافايللو: بعلم الكرسي عشان لما
اخرج مايتسرقش

* يحاول شريف عدم الضحك

سميح: ولد . . . قلة أدب مش عايز
شريف: أستاذ سميح عنده حق المرة
دى يا رافايللو، الكلام كدا مش
مظبوط . . ثم إنت كدا هدومك
هتتعصر طباشير

سميح: يا سلام . . دا كل اللى رينا
فتح عليك بيه . . " الكلام دا مش
مظبوط " !!

شريف: يا أستاذ سميح . . دا جيل

يا تقنعنى يا اقنعك . . يعنى تفتكر لما
يغلط هعلقله فلقه سيدي
المهروشى !!

سميح (فى نفسه): أنا باينى وقعت
فى اتنين متركبين غلط
سميح: أنا بقول نبتدى بسرعة قبل
ما ارجع فى كلامى
شريف: والكرسى يا رافايللو اللي
بيضت وشه دا؟

رافايللو: عاجبنى
شريف: السلم الموسيقى فيه خطوط
ومسافات
الخطوط من تحت (مى - صول - سى
- رى - فا)
المسافات من تحت إسمها (فا - لا -
دو - مى)

لازم نحس الفرق بين النغمات
بودننا، وبعدين حفظ المكان دا
مذاكرة

يغنى شريف السلم الموسيقى
شريف: يالا . .

سميح (مندهشاً): يالا إيه؟
رافايللو: يعنى هيكون يالا

* يضع سميح الكمان على المنضدة
ويجلس بعيداً عن رافايللو ويخرج
من الحقيبة قلم رصاص وكراسة
موسيقى وفوطة صغيرة

* يجلس رافايللو بتصميم
* يهز شريف رأسه مستسلماً ويبدأ
الشرح نظرياً على السبورة
ويكتب كل ما يقول على السبورة
يتابع سميح ورافايللو شريف
بانسجام

يلتفت شريف لسميح

* يقفز رافايللو من مقعده بغيط

فتبدو ملابسه كلها طباشير فيفزع
سميح
* يعود رافايللو إلى مقعده مرة أخرى

* ينتفض سميح واقفًا ويقذف
حاجياته في الحقيبة

* يذهب سميح تجاه المنضدة ويجذب
كمانه بعنف من فوقها
* فريد لا يحرك ساكنًا

صدمة على وجه سميح
ترقب على وجه رافايللو

@ قطع

إيه . . ؟؟؟!!!!
يقول لك غنى . . صعبة؟؟!!
سميح : وانت مالك انت؟؟
شريف : رغم إنه خضنى شخصيًا
إلا إنه بيتكلم صح . يالا غنى يا
أستاذ سميح وانا هغنى معاك
سميح (بغضب) : هو انا جاى
اغنى ، ولا اتعلم كمانجة ، ولا انت
مش عارف شغلك؟؟!!
سميح : أنا غلطان إنى جيت من
أساسه . . أنا ماشى
شريف (بحزم وهدوء) : لأ ماتتش
ماشى . . معهد خاص وبفلوسك آه
لكن مش سبيل . أنا هنا اللي اقول
واقدر

(بعد برهة) بره . . إطلع بره

ليل داخلي - منزل سميح وزينب

حجرة الصالة

- رنين شديد التخبیط للأصابع
المعدنية مستمر

* يفتح سميح باب الشقة بالمفتاح
بغضب شديد ويصفعه بعنف
* تقف زينب أمام حوض السمك
تدق على جوانب الحوض تطارد
السمك الملون وتلتفت لسميح ولا
تكف عما تفعل ثم تستدير تجاه
حوض السمك مرة أخرى
* سميح يلقي بالكمان والحقيبة على
الكنبه ويقطع الصالة ذهاباً وإياباً
* وأخيراً يتوقف وينظر لزينب

سميح: السمك أهم مش
كدا!!!!!!

* زينب لا تعيره اهتماماً
* يلف سميح حول نفسه

حتة هلفوت يقوللى إطلع برة . .
وقال إيه عايزنى اغنى
ما تبصيلى يا زينب وانا بكلمك

* سميح منفعلاً
* تلتفت إليه زينب وهى تدق دقة
عنيفة على الحوض

سميح: طب مش هتسأليني مالك؟

زينب: قول

سميح: أنا مش رايح درس
الكمانجه تانى . .

مش هتسأليني ليه؟

زينب: وافرض سألت؟!

سميح (بصوت منهك): يووه يا
زينب . .

زينب: عندك حق . .

بس مش طول عمرك هتتجنن ع
الكمانجه

زينب: إستحمل فريد أكثر من
كدا . .

سميح: حتى دى عارفها

زينب: زمان كنت زى الكراسه
الفاضيه دى واستحملتك، ولا
نسيت . .

* يرتبك سميح وتهدأ حدته قليلا

* تقترب زينب وتواجهه بهدوء

* يرتبك سميح أكثر ويدير وجهه

* تتوقف زينب برهه ثم تتجه إلى

الكنبه تجلس بجوار الكمان

* يلتفت إليها سميح وكالعادة لا

يثبت عيناه فى عينيها

* زينب تنتظر

* يجلس سميح على أقرب كرسي

ويضع رأسه بين يديه

* تمسك زينب بصندوق الكمان

* تفتح زينب الصندوق وتخرج

الكمان وتداعب أوتاره

* يقف سميح مندهشاً

* تخرج زينب كراسه الموسيقى من

الحقيية ونفر صفحاتها البيضاء بين

أيديها

* تترك زينب الكراسه والكمان

* تقترب زينب من مكان الكاسيت

* يضع سميح كفيه على أذنيه

* تتجه زينب ناحية الكاسيت

* يلتفت سميح لزينب بألم

* يرتبك سميح

* تمد زينب يدها تددير جهاز

الكاسيت وتظل بجواره

* يتصاعد ارتباك سميح

* يتجه سميح للكاسيت يحاول

إطفاءه وتمسك زينب بيده تمنعه

* يندفع سميح بطفىء الكاسيت

بعنف وقد بلغ الذروة ولم يعد

يتحمل

@ قطع

لكن دلوقتى بقيت عامل زى

الآستيكة اللى ما يهد الهاش بال الا

اما تمحى كل حاجة حلوة فى سكتها

سميح (مستحلفاً): زينب

زينب: كنت فاكر انا ما بتفهمش

بس، طلعت كمان ما عندكش قلب

لما اشرت كتلك فى درس الكمانجه،

كانت هديتى ليك فى عيد

جوازنا . . ولا دا كمان مسحته من

حياتك؟

- ينبعث دويتو راقية إبراهيم وعبد

الوهاب

راقية إبراهيم: إنت دايما تنرفزنى

كدا . .

دا شايفنى وانا شايفاه وعارفنى وانا

عارفاه

سميح: كفاية يا زينب . . كفاية . .

كفاية . .

\$ مشهد [٢٧]

ليل داخلي - منتصف الليل

شرفة غرفة نوم سميح وزينب

- نغير بعض السيارات

* يقف سميح مستنداً إلى سور

الشرفة بنفس ملابس المشهد السابق

* تبدو حالته مضطربة رغم محاولته

التماسك

* يقلب عود الثقاب المنطفىء بأصابعه

بعصبية شديدة

@ قطع

\$ مشهد [٢٨]

ليل داخلي - مطبخ شقة سميح وزينب

* تجلس زينب خلف المنضدة تفرد

أمامها رقعة الشطرنج والجيشان

مصفوفان قبل بدء المباراة

* تفكر زينب بعمق ثم تحرك أول

عسكري من الجيش الأبيض خطوة

واحدة

@ قطع

\$ مشهد [٢٩]

ليل داخلي - قرب انتهاء الليل

شرفة غرفة نوم سميح وزينب

* الشارع هادىء تماماً

* سميح عيناه حمراء من السهر ويبدو

منهكاً بالفعل

* مازال يقلب عود الثقاب بين أصابعه

بعصبية أشد عما سبق

* على الأرض بقايا عيدان ثقاب كثيرة

محطمة

@ قطع

\$ مشهد [٣٠]

ليل داخلي - مطبخ شقة سميح وزينب

* زينب تجلس خلف المنضدة أمامها
كوب عصير مملوء حتى النصف وتنام
على المائدة منهكة تمامًا والدموع
تنساب من عينيها المغمضتين
* رقعة الشطرنج مفرودة ولم يتبق من
كل جيش إلا الملك وحصان هنا وفيل
هناك وبعض العساكر
معظم الجيشين طردوا خارج الرقعة
مبعثرين بفوضوية على المنضدة وبعضهم
على الأرض

@ قطع

\$ مشهد [٣١]

نهار خارجى - كورنيش النيل

* يسير سميح هائماً على الكورنيش
مسافات طويلة تائهاً وسط البشر
المزدهجين مرتدياً نظارته الطبية

@ قطع

وقت الغروب خارجي - كورنيش النيل

* يمشى سميح وحسن بخطوات
متمهلة
* مازال سميح يضع نظارته الطبية
يطلق سميح ضحكة قصيرة
مفاجئة

- ضحكة سميح

حسن: بسم الله الرحمن الرحيم،
إنت عمرك ما ضحكت من غير
سبب، وعمرك ما ضحكت
أساسا، إيه القيامة قربت؟؟
سميح (متحاملا على نفسه): هو
ماحدث قاللك.؟!
حسن: والله ما حد قاللي. . كنت
رُحْتُ شوفت درجاتي في
الكونترول، آهي تنفع في حساب
الآخرة

سميح: الله

* يتوقف سميح فجأة ويخلع النظارة
* يستند إلى سور الكورنيش يخرج
عود ثقاب من جيبه يقلبه بهدوء

* يقف حسن بجانبه يتأمل المنظر

حسن : هو انا سكنت فى الروف
من شوية

* يلتفت لسميح

بقى يا راجل أربع أيام
ماشوفكش . . إيه . . الكمانجه
خدتك خلاص ولا أعلنت الهدنة
مع رافايللو وضربتوا صحوية
سميح : أنا مابرو حش خالص
حسن : فيه حاجة فى الشغل يا
سميح ؟

* ينزعج حسن

* يسند سميح ذراعه على السور

الوزير طلب منى أسلم الملفات
المهمة لسكرتير مكتبه عشان خلاص
هطلع معاش بعد سبع أسابيع . .
حسن : من إمتى ؟

* يدرك حسن الموقف

سميح : من إسبوع
حسن : يعنى قبل دروس
الكمانجه . . يا سميح . . ماتبصش
وراك أبداً وعدى . فكر تقدر تدى
إيه فى مكان تانى

سميح : دلوقتى بس فهمت الحكاية
اللى حكيتها لى من كام سنة

* يتنسم حسن

حسن : كنت أصغر موظف يسوى
معاشه وهو عنده ثلاثة وعشرين
سنة . . لما دخلت فيلم الميرى قريت

كلمة النهاية من أول مرة شطبولي
فيها ع الإمضا ، قال إيه عشان جيت
متأخر ساعة ، وبعدها بقيت حر
نفسى

(بعد برهة) . .

حسن : ما تيجى نرجع عشان اللي
جاينلى دول .

سميح : بتكلم على مين؟
حسن : إخوانى يا سيدى لسه
هو ضب الترابيزة واكنس واشيل
الشيشة

سميح : روح إنت
حسن : بقولك تعالى معايا مش تحل
عننى

* يستكمل حسن وسميح السير

* يجذب حسن سميح

* سميح يستند إلى السور ويتبته فجأة
ملفتاً إلى حسن

سميح : إنت يا جدع انت مش
قلتلى قبل كدا مالكش اخوات!!

@ قطع

نهار داخلي - شقة عم أحمد

حجرة الصلاة

(البيت تقليدي متوسط الحال -
مهندم - تستخدم الصلاة للجلوس
ولمشاهدة التلفزيون ولتناول الطعام
على المنضدة ذات المقاعد الخمسة)

* عمر الابن الأكبر لعم أحمد يجلس
مربعاً فوق منضدة الصلاة يمسك
المفتاح الإنجليزي بيده كأنه
ميكروفون يذيع أحداث مباراة
وهمية مقلدا مصطفى الكيلاني
وخلفه التلفزيون يعرض أحد
البرامج صورة بدون صوت

عمر: سيداتي آنساتي لا أهلا ولا
سهلا . . إحنا ناقلين متأخر شوية
وفات منكوبة فرصة ضائعة
تجنن . . وهتستحملونا غصب
عنكو . . يعني إنتو ولا الإعلانات
يعني؟؟؟! . . هتتفعونا بقى لما
نفلس . . ماتردوا

محمود: الماتش يا حاج!

عمر: آه والنبى نسي . . النهاردة
ان شاء الله بإذن الله بدون مقاطعة
هنشوف مع بعض ماتش الأهلى
والترسانة أو زى ما كانوا بيسموهم

* الشاب خالد الابن الثانى لعم أحمد
يجلس متحفزاً بجوار شقيقه
الأصغر محمود (١١ سنة) فوق
ظهر الكنبه يستندان إلى الحائط

ويرفعان الأعلام الحمراء

" الشواكيش " أيام مصطفى رياض

ومن قبله كليبر وحشيشوت . .

طبعاً توعوا عليهم

خالد : يا عم الدورى هيخلص ،

خش فى المفيد الله لا يسيئك ويخرب

بيتك . .

عمر : آدى عيب الجمهور . . قلّة

الأدب وحبس حرية المذيع . لعلمكو

إنتو الاتنين يا جوز الخيل . . أنا

الميكروفون معايا ومن حقى اقرفكو

بهموم البيت والجيران والعيال وامهم

الله لا يسامحها . .

محمود : يادى النيل . . إرحمنا باقى

ربع ساعة على الشوط الثانى

عمر : القهوة يا ابنى دماغى

اتفرتكت

خالد (لمحمود) : هو بيكلم مين !!!

محمود : باينه نقل على بدروم

الاستاد

عمر : بركات أهلى ، صفوت عبد

الخليص أهلى ، وماشى الشربينى

أهلى بينقل لفضل . .

خالد : يعنى اخنقك واضيع

* يتقافز خالد ومحمود من الغيظ

* يؤرجح عمر ساقيه فى الهواء

* يقذف محمود عمر بالمخدة

* ينام عمر على وجهه على المتضدة

ويؤرجح قدميه فى الهواء فجأة

يتنفض عمر بالميكروفون

* يقفز خالد ويمسك قدمى عمر

مستقبلى . . إنت ماشى بضهرك . .
يا بابا فضل مشى من زمان واعتزل
وبركات شرحه والباقى من قبله . .

محمود: خلاص يا حبيبي، هتعمل
عقلك بعقله . كبر دماغك

عمر (بهدهوء بارد): إيه دا . . دا فيه
حد باينه جاب جون . . هو مين اللى
شاط ولا مين اللى بيلعب أساسا؟؟
- ضحيج المعركة

عم أحمد: حصل إيه؟

عمر: مفيش يا بابا . . دا احنا كنا
بنسخن، لكن لا يخلو الأمر من خبط
جانبي لحد ما ينقلوا ماتش الأهلى
وإبنى

عم أحمد: مش تمسكلك كتاب
أحسن؟

عمر: لا إله إلا الله . . وانا مقصر فى
إيه يا عم أحمد . . تالته تجارة الصبح
وميكانيكى بعد الظهر

خالد: وانا خالد، تانية معهد فنى

* ينزل محمود يحاول تخليص عمر

* يرفع عمر رأسه فجأة

* يتعارك الاثنان ضد عمر الملقى
على المنضدة ويهرب منهما إلى
الكنبة ويطاردانه بغيظ

* يخرج عم أحمد من حجرته مفزوعاً
بجلابية البيت

* يفيض الأولاد العراك ويجلسون
باحترامهم

* يتقدم عمر بثقة نحو أبيه

* يقفز خالد فوق كتفى عمر

تجارى وسمسار اعجبك أوى
وبكسب والحمد لله أحسن من
المحروس ابنك البكرى

* يقذفه عمر من فوق كتفيه
* ينظر عم أحمد إلى محمود

عم أحمد : وانت يا فلتة زمانك . .
سى محمود افندى
محمود (بمتهى الحماس) : أهلى يا
عندى أعز من أهلى
عم أحمد : يا وله ماتنحرش من
قلبك . . أمك تيجى من السوق
تطين عيشتك
الأم : جيتلكو اللب والدره

* يقفز محمود فوق المنضدة رافعاً
علم الأهلى
* يمسكه عم أحمد من ملابسه وهو
مازال فوق المنضدة

* تدخل الأم من باب الشقة مبتهجة
تحمل الطلبات

الأولاد : يا أهلا بالمعارك ، يا بخت
مين يشارك
عم أحمد : عايز اتكلم مع امكم
كلمتين مهمين . . يعنى بالبلدى
كلمتين حزينى
عمر (بقلق) : آآه . . لونك غامق يا
ليل

* يقفز حولها الثلاثة ويلفون حولها
وسط ابتسامتها هى والأب
* يذهب الزوج لإنقاذ زوجته
ويجذبها

عم أحمد (لزوجته) : بيقول ايه دا؟
محمود : أم احمد . . كلمتين
واقلب . . ماشى . .؟؟

خالد : الماتش فاضله عشر دقائق

والنبي

الأم : جوا بقى

جماعى : أهلى أهلى

عم أحمد : كدا هتلهقوا الشوط

التانى

ضحكات الأب والأم

الأم : مالك يا ابو عمر

عم أحمد : ضميرى هيموتنى

يطلق عم أحمد تنهيدة حارة

الأم : بعد الشر عليك . .

عم أحمد : إمبراح بالصدفة باب

أوضة سكرتارية العجر فى الوزارة

كان مفتوح ، وكله مشى إلا هاشم

والبنت الجديدة هيام . هاشم الندل

استغل مرواح البنت دورة المية وهف

قسط الجمعية بتاعها من شنطتها .

والثانية خدت الشنطة على المقفول

وبالسلامة . .

الأم : طب ما تقول لسميح بيه

عم أحمد : هاشم الزفت عنده عيال

صغيرين . . يتهدلوا وسمعة بيته

* يصطف الأولاد فى طابور

ويمشون ببطء حاملين الأعلام

الحمراء

* فجأة يتسابق الأولاد إلى الداخل

بالعراك

* تجلس الأم على أقرب مقعد

* يجلس عم أحمد على الكنبه

مهموماً

* يقف عم أحمد حائراً

كلها هتتوسخ . أصلك ماشوفتيش

مراته . . أميرة بجد

الأم : والبت اللي اتسرقت؟!!!

عم أحمد : ما هو يا ام عمر اللي يبلغ

عن حاجة لازم إثبات ، فين

الدليل . . .؟؟!

* تقف الأم فى مواجهة عم أحمد

@ قطع

ليل خارجي - الشارع المؤدى إلى معهد الموسيقى

* يسير سميح على مهل حاملاً كمانه
وحقيقته الجلدية ويتجه نحو مدخل
فيلا معهد الموسيقى

نغمات البيانو لا تنتمى إلى
لمقطوعة معينة

* يتوقف قليلاً قرب باب الفيلا يسمع
بعض النغمات الموسيقية البعيدة
المنبعثة من عزف أحدهم على البيانو
* يتراجع سميح ويرتكن على إحدى
السيارات الواقفة حائراً بنفس ملامحه
المتجمدة

* يتنبه فجأة لوجود محل الساعات
الذى أشارت إليه زينب ملاصق
للمعهد . ينظر إلى ساعته فيجدها
مازالت متوقفة ويتذكر الحوار بينه
وبين زينب

صوت سميح (فى ذهنه): فكرينى
يا زينب
صوت زينب: حجر الساعة

* يتجه سميح إلى محل الساعات
ويدخل
@ قطع

ليل داخلي - محل الساعات

* يدخل سميح المحل ويقف فى

مواجهة البائع

* يشرّد سميح لحظة والبائع منتظر

* يستعيد سميح نفسه ويخلع الساعة

* يحضر البائع الحجر ويركبه أثناء

مشاهدة سميح محتويات المحل

* سميح يخرج من جيبيه عشرين

جنيهاً يعطيها للبائع الذى يأخذها

ويتجه بفتح أحد الأدراج ليحضر

الباقى

* يمسخ سميح المحل بعينه

* يتجه البائع إلى سميح

* يأخذ سميح الباقي ويستدير

خارجاً

* عند باب المحل يستدير مرة أخرى

فجأة متخذاً قراره

سميح (بإصرار): حجر ثانى من
فضلك

@ قطع

ليل خارجى - أمام سوبر ماركت

فى أحد الشوارع

* حسن على وشك دخول السوبر
ماركت بحسب الفلوس فى يده فى
نفس لحظة خروج تهانى منه محملة
كالعادة فكانا على وشك
الاصطدام ويفزع حسن

حسن : أعوذ بالله من غضب الله
تهانى : إيه .. شوفت عفريت؟؟!!
ما تثبت
حسن : فيه حاجة يا باش
شاويش .. ؟
تهانى : ولك نفس تهزريا بتاع
الغربان
حسن : طب احمدى ربنا إنى
ما بريش نسانيس ، كان زمانهم
جايين البيت عاليه واطيه بيدوروا
عليكى ..
تهانى : احترم نفسك لحسن أَلَمْ
عليك اللى يسوى واللى ما يسواش
حسن (بتراجع) : اختصرى فى
المقيد
تهانى : العصافير اللى مكوّمين

عندك دول . .

حسن : إشمعنى

تهانى : تسربهم . . تعدمهم فى

ميدان عام . . تربط رجليهم بحجر

وترميهم فى البحر عند البراميل

حسن : إيه دا . . إيه دا . . إيه

الرومانسية دى !!

تهانى : أظن كلامى واضح

حسن : إوعى يا ست انتى خلىنى

اعدى

تهانى : ومش عيب افندى شحط

زيك يسبب ليدى شايلة وهو واقف

يتفرج

حسن : يعنى أميرة موناكو يا

خى . .

أمرى الى الله . . إنفضلى

تهانى : وانا اخلى واحد لسانه

طويل زيك يشيللى ليه . .

ماعنديش كرامة؟

حسن : أول مرة تقولى حاجة

عدلة . . ألف سلامة . . بالشفاف إن

شاء الله

تهانى : طب وانا ماقطعش نفسك

* يحاول حسن الهرب

* تمد تهانى يدها بالأحمال

* يأخذ حسن منها الحقائق

* تأخذ تهانى الحقائق مرة أخرى

بعنف فجأة

* ينتهز حسن الفرصة ويريد الهرب

* تحتجزه تهانى وتعطيه الأحمال ثانية

بعنف أكثر من المرة السابقة

* يأخذ حسن الأثقال مضطراً

* تأخذ تهانى بعض الحقائق ثانية

بعنف أعلى

* يلقي حسن بقية الحقائق على

الأرض ويتبعثر ما بها فى الشارع

ويهرب بعد محاولات تخليق

مستميتة من تهانى

ليه واهد حيلك . . يمكن اخلص

منك ومن عصافيرك فرّة واحدة

حسن : لا إله إلا الله . . خلصينى

بقى . . لسة هرجع اشترى حاجتى

تهانى : طب ولما تمشى معايا من هنا

للبيت . . مش هتجرح سمعتى !

حسن : يا دى النيلة . . اتقى الله يا

شيخة . . دا انا زى ابنك . حلّى عن

سمايا بقى وانتى عاملة زى الشريط

اللى يبسف كدا . .

(لنفسه) دا ربنا رحمه إنه طلقك . .

دا أكيد غفر له كل ذنوبه واعتبره م

الشهدا . . أف

@ قطع

ليل داخلي - حجرة الدرس بالمعهد

- المقدمة الموسيقية لأغنية
" ذكريات " لأم كلثوم على الكمان

* يقف سميح قبل باب الغرفة بخطوة
يستمتع لشريف وهو يعزف بتمكن
المقدمة الموسيقية لأغنية " ذكريات "
لأم كلثوم وبجانبه تقف كريمة (٢٨)
سنة (تستعد للغناء

ذكريات عبرت أفق خيالي / بارقًا
يلمع في جنح الليالي / نبهت قلبي
من غفوته / وجلت لي ذكرى أيامي
الخوالي / كيف أنساها وقلبي لم يزل
يسكن جنبي / إنها قصة حبي

* تبدأ الفتاة الغناء بتمكن واضح
بمصاحبة الكمان
* يراقب شريف كريمة بإعجاب

- تصفيق سميح
كريمة (لسميح): متشكرة

* يصفق سميح بإعجاب وتروى
* ينتبه شريف وكريمة إلى وجوده
ويظل واقفًا مكانه

شريف (لكريمة): معادنا بكرة زى
دلوقتي

* يضع شريف الكمان على المنضدة

لو ماتدربتيش فى البيت يا كريمة
هعرف ، بس من غير ما تجرحى
صوتك

* تبدو نظرات الإعجاب فى عيني
شريف يلاحظها سميح

* تهز كريمة رأسها وتبادلته نظرات

الإعجاب وتخرج

* شريف وسميح يتبادلان النظرات

* يحاول سميح تخفيف الموقف

سميح : هو الدرس معاده اتغير؟

شريف : إنت اللى جيت بدرى . .

إتفضل . . فريد على وصول

سميح : إيه دا ؟؟

شريف : عشان ماحدش يتجرأ

ياخد كرسيه

سميح : أنا فاتنى كتير؟

شريف : هشرح تانى . . بس لازم

نستأذن رافايللو الأول

شريف : إنت كنت بتصفق ليه؟

سميح : عشان العزف والغنا كانوا

حلوين . على فكرة . . إنت مدرس

كويس

شريف : وانت إنسان غريب

سميح : أنا ما كنتش باجى

عشان . .

شريف : أنا قلققت عليك

سميح : أنا أسف

شريف : خالصين

* يدخل سميح فيجد مقعد فريد

ملصوقا عليه علامة ضخمة

للقراصنة

* يضع سميح الكمان على المنضدة

ويقف بالقرب من شريف

* يبتسم سميح أمام شريف لأول مرة

* يتراجع سميح ناحية مقعده

* يرتبك سميح من الإحراج مع

احتفاظه بكبريائه

* يبتسم شريف ببشاشة ويمد له يده

* يد سميح له يده بصدق

* يتجه شريف ناحية السبورة

المرسوم عليها السلم الموسيقى

* يجلس سميح على الكرسي

* يتوقف شريف

شريف: نستغل لحظة الصفا دى

قبل ما ييجى رافايللو بالغارة بتاعته

ونغنى سوا السلم الموسيقى

- يغنى شريف السلم حرفاً حرفاً

وسميح وراءه بصوت متحجر

شريف: ممكن تسيب صوتك على

راحته . . إنت مخشبه أوى . . أنا

عايز اسمع سميح اللي كان بيصقف

من شوية . . يالا تانى

- يعاود سميح الغناء مع تقدم

طفيف

* يدخل فريد بكمانه أثناء غناء

سميح يشير له شريف بالدخول

بهدهوء شديد

* يتقدم فريد على أطراف أصابعه

ويجلس على مقعده حتى ينتهى

سميح

شريف (لسميح): أحسن

(لرافايللو): مش تسلّم على

زميلك؟؟

* يفتح رافايللو صندوق كمانه

ويخرج منه كراسة الموسيقى دون رد

* سميح وشريف ينتظرانه

شريف (منبهًا): رافايللو . . كبر عقلك

رافايللو (يصيح): ما هو اللي ما بيحبنيش . .

شريف: مين قالك بس؟؟

فريد: إذا كان حتى ماجاش يسلم عليًا

سميح: أنا اللي اجى اسلم عليك؟
رافايللو: طبعًا . . عشان انت اللي ابتديت!!

سميح: إزيك يا سى فريد . .

رافايللو: إزيك يا سى سميح

شريف: يالا . . دورى مى مع بعض

غناء ثنائى لسميح ورافايللو حتى نهاية السلم الموسيقى

* يقف فريد شارحًا

* يبتسم سميح

* يبتسم رافايللو مقلدًا سميح

* تنسحب ابتسامة سميح

* يسارع شريف بتدارك الموقف

* رافايللو يغنى واقفًا متفاعلا مع

الغناء بيديه وجسده بحركات

مضحكة وسميح يراقبه ويحاول أن

يخبىء ضحكاته خاصة أمام

رافايللو

@ قطع

نهار داخلي - منزل هاشم

غرفة النوم

(أثاث متوسط المستوى)

* سامح ابن هاشم عشر سنوات
وسارة ابنته ١١ سنة وزوجته مها في
منتصف الثلاثينات

- تصفيق وصفير

يلتف الجميع يصفقون ويصفرون
بحماس حول الفراش الذي يقف
عليه هاشم مرتدياً قميصاً وبنطلون
* يقف هاشم محيياً ينحنى بتواضع
وفي يده نقود كثيرة فئة العشرات

هاشم: يا شعب المعيز . .
(لزوجته متراجعاً) لا مؤاخذه . .
الكونت سامح الشهير بـ " زكريا
سيب البنطلون " سنحضر له غداً
شورت وتريننج وفانلة رياضية

- تصفيق حاد وصفير

- ضحكات وصراخ

* يهلل الجميع
* يجذب سامح والده من قدمه فيسقطه
على الفراش ثم يقفز عليه يقبله
بعنف

* يعتدل هاشم قليلا ويجلس على
ركبتيه

هاشم : الآنسة سارة الشهيرة ب
"متولى . . ضرفة الدولار نسيته
مفتوحة ليه " باكر بعد العصر
تروحي مع ماما الجميلة تنقى
فستان وبلوزة
ساره : لأ أنا عايزة سالوبيت
وبادى
هاشم : ولو انى مش فاهم لكن
ماشى . .

- صياح

* تقفز سارة تأخذ دورها فى تقبيل
هاشم فوق الفراش
* تحملهما مها واحداً واحداً من فوق
هاشم بعد مناهدة

مها : يالابرة وكملاوا صريخ فى
أوضتكم بس بالراحه عشان
الجيران ماتبلغش البوليس وندفع
الفلوس كفالة لابوكم

* يحاول هاشم إخفاء ارتبائه
* يندفع الأولاد تجاه باب الغرفة
ويفتحانه ويخرجان ويغلقان الباب
وراءهما

هاشم : وانت بقى يا مها باشا . .
أؤمر يا قمر؟

* يقفز هاشم ويجذب مها من يديها
تجاه الفراش

مها : مش لما تقوللى الأول إيه
الحكاية؟ أنا شامة ريحة حاجة مش
مظبوطة

* تبتسم مها ابتسامة لها معنى

* يدخل هاشم تحت الفراش بغضب

هاشم : هو مفيش فلوس مش
عاجبك ، فيه فلوس برضه مش
عاجبك . . دى حاجة تزهق

* يهرب من مها ويعطيها ظهره
ويغطي وجهه ويتركها متشككة

@ قطع

ليل داخلي - شقة حسن

غرفة المعيشة - القعدة الشرقي

- * يقف حسن على الأرض على رأسه يغني السلم الموسيقى
غناء أوبرالياً
* يقف سميح خالغاً حذائه على مقعد خشب يصلح لمبة السقف
* ينتهي سميح من التركيب وينزل من فوق الكرسي ويجلس على مقعد آخر يرتدى حذائه
* يخلع سميح نظارته ويتركها على المنضدة
* يقف سميح
* يعتدل حسن بنشاط ويؤدي بذراعيه وقدميه تدريبات رياضية
- غناء حسن
سميح: يا منجى من المهالك . . دا رافايللو أرحم
سميح: هيه شايف إيه؟؟
حسن: شايف كل حاجه بالشقلوبى
سميح: وتفرق كثير؟
حسن: والله فيه حاجات أول مرة أشوفها، زى لون شرابك مثلاً . . إيه دا . . رجل الكرسي بتلؤ عايزة تتمسمر
سميح: دا مخك هو اللي بيلؤ
حسن: يا حبيبي . . أنا ماشى فى الحياة على مبدأ عمك برنارد شو

* ينظر حسن يديه وقدميه
فيصطدم بسميح

سميح : يعنى واخذ الدنيا تريقة ، ولو
الحرب قامت
حسن (يقاطعه) : أجيلها كرسى
سميح : إنت بتنظر ليه؟؟
حسن : قوللى صحيح . . بدأت تعزف
كمانجه ولا لسة؟
سميح : ماشيين نظرى وعملى مع
بعض وداخلين على تالت درس والأمن
مستتب . .

لكن

حسن (من الداخل) : حرف استدراك
محرم استعماله دوليا ، ما بيعيش من
وراه خير أبداً
حسن : هتقوللى على كوارث ولا
عاملهالى مفاجأة؟

* يهرش سميح فى رأسه
* يدخل حسن غرفة مجاورة

* يعود حسن حاملا الشيشة

* يندق حسن بالشيشة على
الحائط فجأة
* يفزع سميح

سميح : فيه إيه؟
حسن : ماتحافش يا ابنى . . دا انا عمك
شفيقه
أصل انا عندى شعرة . . ساعة تروح
وساعة تيجى

* يرقص حسن بالشيشة

* يعدل سميح هندامه

سميح : إيه اللي طلّع البتاعة دى
دلوقتى ؟

حسن : معلىش . . أصل اخواتى جاينين
دلوقتى

سميح : إيه حكاية اخواتك اللي
طلعولك فجأة كدا وبيزوروك عمّال
على بطل .!!؟

حسن : إنت اللي بقيت تيجى كتير وفى
مواعيد غريبة

حسن : كان فيه كلمة (لكن) قلتها من
شوية وماكملتهاش . .

سميح : لو كنت اعرف كنت قلتلك . .
كل اللي فهمته من شريف وفريد إنهم
موضيين مفاجأة كبيرة فى درس بكرة
حسن (مقلداً ستيفان روستى) : أحب
المفاجآت . .

* يهم حسن بالخروج ثم يتذكر
ويلتفت لسميح

@ قطع

نهار خارجى - أحد شوارع القاهرة الضيقة

أمام ورشة الميكانيكا التى يعمل بها عمر

(ورشة السيارات خالية من العمال

وتضم المحتويات التقليدية)

* ينام عمر تحت سيارة يصلحها

مفترشاً العربى الصغيرة ذات

العجل مرتدياً الأوفارول ولا

تظهر سوى قدميه

* يقبل خالد ينادى بمرح ولا يلمح

عمر

خالد: يا أسطى عمر
الأسطوات شحوا من السوق ولا

إيه؟؟

عمر: ها . . مين هناك؟

* يندفع عمر فجأة من تحت

السيارة خلف خالد تماماً

* يفزع خالد

* ينهض عمر بيده العدة

خالد: خضتنى . . الله يخيبك
عمر: اسم الله عليك يا حبيبى . . دا
انت تسرع بلد وتشرب عليها كباية
مية ساقعة

خالد: هو انت عشان نزلت وانا
نايم، تبتلى صبيك اللى مش باين
من الأرض عشان تناولنى دش الصبح

* يضع خالد يده فى جيبه بالآلة

* يخطو خالد خطوتين عائدا

* يندفع عمر ملطفاً يلحقه ويمسكه
من كتفيه

ماعطلكش . .

عمر : لا وحياة ابروك
ماستعبطش . . إنت عارف انى
مفلس

خالد : م الآخر

عمر : والنهارة الحد

خالد : ألف ألف مبروك يا حبیبى . .
عقبال الاتنين أما ييجى يدلّع براحته
إن شاء الله

إختصر يا بابا . . إنت فاقد سايب
محاضراتك ، لكن انا لسة ورايا زبون
طحن عايز البسه العربية

عمر : مروة بتتصل بيا عشان نخرج
وانا بتهرب . . أخوك مضروب
تفليسة عجب

خالد : هموت واعرف بتودى
فلوسك فىن؟

عمر : يا أخى أملك كانت مزنوقة فى
المصاريف . . إوعى تقول لابوك ، ما
انا عارفك بتسيح خالد : il n ' ya
pas d ' argent - بح

* يلتفت خالد ويأخذ عمر
بالأحضان

* يندفع عمر يخيفه بالمفتاح بيده
ويجذبه من وراء السيارة
* يقاوم خالد

* يساوى عمر لخالد ملابسه
* يعدل خالد هندامه

* عمر راکعاً

* يمد خالد له يده ليقبلها
* يقبض عمر على يده خالد بقوة
ويعضها
@ قطع

عمر : طب غور بقى . . مش عايز من
وشك حاجة ، جتك الهم
خالد : واللى يدلك على حل كويس
يرحمك من الشحانة ومايجوجكش
لرزل زبى

عمر : مضمون؟
خالد : إذا كنت انا نفسى بعمله مع
نشوى

عمر : دلنى عليه وحياة أبوك
خالد : هسلفك وأمرى لله لحد ما
نشوف يوم نروح سوا
عمر : فين؟
خالد : إنت بترغى كتير ليه؟ إنت
تدعيلى وبس

- صرخات خالد

ليل داخلي - حجرة الدرس بمعهد الموسيقى

- * يقف سميح وحده فى الحجرة
ممسكاً بكمانه أمام الباريتورا
يستعد للعزف على كل وتر
منفصلاً ، يخطىء ويصحح
* يقف سميح خطأ مقدماً قدماً على
الأخرى فاتحاً قدميه
* فجأة تهوى الباريتورا من أمامه
* يفزع سميح ويشعر بشيء ما بين
قدميه
* يتضح أن رافاييلو تسلل بين قدمي
سميح المنهمك فى الحفظ ويكاد
سميح ينقلب
* يدق رافاييلو بكفه بقوة على يد
سميح
- ضحكات رافاييلو الصاخبة مختلطة
بتأوهات سميح
سميح : إنت جيت . .
رافاييلو : مبسوط ؟
سميح : بوجودك . . هى دى
المفاجأة؟؟
رافاييلو : على فكرة إنت
مابتذاكرش . .
سميح (مجدبة) : خليك فى

نفسك . . مش كفاية بتكذب

رافايللو : أنا ماكدبتش

سميح : لأ كدبت

رافايللو : والله العظيم ماكدبت

* يعدو رافايللو تجاهه بغضب

* يمسك سميح رافايللو من أنفه

* يزيح رافايللو يد سميح بقوه

ويجذب ملابس سميح بغضب

سميح : مش فاكر أول يوم لما قلت

لشريف إنك رايح تتكلم فى

التليفون . . سيب هدومى . . وبعد

كدا عرفت . . سيب هدومى . . إن

تليفون المعهد للإدارة بس

* يصدم رافايللو ويترك ملابس

سميح

* يتعد رافايللو قليلا وينظر إلى

سميح واضعاً يده على خده مفكراً

بعمق شديد

* ينظر له سميح مترقباً

سميح : إيه . . ؟؟؟

رافايللو : إنت عندك كام سنة؟

سميح : هنرجع لقلة الأدب بقى

رافايللو : ماחדش قالك إن فيه

اختراع اسمه موبيل

* يخرج رافايللو موبيل صغير من

جيبه

* يسقط فى يد سميح

* يقفز رافايللو فوق المقعد ومنه
فوق المنضدة

* يحاول سميح الهروب من الموقف
ويرفع الباريتورا ويستعد للعزف
* يتردد سميح ويلتفت لرافايللو
الذى يراقبه بتنمر واضعاً ساقاً
على ساق

* ينظر إليه سميح على استحياء
طالباً المساعدة

* ينظر إليه رافايللو بأنفة شديدة

* يرتقى رافايللو على المنضدة بتمثيل
واضعاً يديه على قدميه

* يقترب منه سميح يكتنم ضحكته

* يقف رافايللو على المنضدة فيصبح

أطول من سميح ويضع يديه على

كتفى سميح متقمصاً دور شريف

* يمسك سميح كف رافايللو

* ينصت سميح مندهشاً مخرجاً

سميح : يا إبنى إنت قالقنى
(بعد برهة) . . أنا حاسس إن انا
بعمل حاجة غلط
رافايللو : حاجة واحدة بس؟!!

سميح (بجدته المعهودة) : طب انا
مش هكلمك
رافايللو (صارخاً) : قلبى . . قلبى

سميح : إنت معجون بإيه؟!
رافايللو : بمية معدنية
رافايللو : شوف يا أونكل . .

سميح (يحذره بجدية) : إحترم
نفسك . .

رافايللو : مستر شريف قال لازم
تعزف ورجليك جنب بعض . وقبل

ما تعزف تمسح القوس بالفوطة
كويس ، وانت مامسحتوش . .
عشان كذا صوت الكمانجه وحش
خالص .

وبعدين أوتار الكمانجه اسمها صول
- رى - لا - مى

فهمت ولا نقول تانى
سميح : بسم الله الرحمن الرحيم

* يأخذ رافايللو القوس من يد
سميح ويشير له على الأوتار من
أعلى لأسفل

* يخط رافايللو على كتف سميح
* فجأة تنقطع الكهرباء

@ قطع

ليل داخلي - سلم المعهد أو الفيلا

* التيار الكهربائي منقطع

* يتقدم رافاييلو سميح يمسكه بيد
وباليد الأخرى يضيء السلم ببطارية
وتحت ذراعه يحمل كمانه الصغير
* سميح يحمل كمانه باليد الأخرى
وينزل بحذر شديد
سميح: على مهلك الله يخليك . .
أنا عارف شريف راح فين؟
رافاييلو: إنت بتتكلم كثير ليه . .
بقالك خمسين دور تقوللي الجملتين
دول لما زهقتنى فى عيشتى . .
إصبر حبة قربنا .

سميح: إنت متأكد إن البطارية
اللى معاك دى هتكفيننا لحد
تحت . . أصلى نسيت النظارة عند
حسن . يا ريتنى ما كنت خلصت
الكبريت كله .

رافاييلو: إنت عمرك ما اتفرجت
على مغامرات بات مان . .
وبعدين ماتخافش . . البطارية اللى
معايا ماركة الشيطان شاطر . .
سميح: طب ننزل الأول وابقى
احكىلى فى الشارع للصبح

* يلتفت رافاييلو لسميح ويتوقف
فرحاً

* يستكمل رافاييللو وسميح نزول
درجات السلم حتى يقتربا من
مدخل السلم الخارجى الذى يشع
منه بعض الضوء

@ قطع

ليل خارجي - حديقة المعهد الصغيرة

(زينات معلقة - منضدة عليها تورتة

بعشر شمعات وجاتوه وحلوى)

* يقف سميح ورافايللو عند مدخل

السلم

* يطفئ رافايللو بطاريته ويضيئها

مرتين كأنها إشارة وهو سعيد للغاية

وسميح المنهك لا يرى شيئاً بتأثير

الظلام

* تضاء أنوار الفيلا تدريجياً هنا وهناك

فيخفى سميح عينيه بيديه ثم يعتاد

الضوء

* ينظر أمامه مذهولاً عندما يجد - صراخ الأطفال الصاخب

عشرين طفلاً يتسابقون بمتنهى

السرعة نحوه يجذبونه من ملابسه هو

وكمانه ورافايللو عند المنضدة

* يقف شريف عند المنضدة الممتلئة

بالطعام غارقاً في الضحك

* يتجه إليه رافايللو ويضحكان
فيستنجد بهما سميح المحاصر من
جيش الأطفال

* يجاهد سميح ليخلص نفسه
* يقتحم رافايللو المعركة ويجذب
سميح عند شريف

* يجذب رافايللو سميح من يده
لأسفل فينحني سميح المذهول
* يأخذ شريف الكمانجه من سميح
يضعها على المنضدة

* سميح حائر في شعوره الداخلي

* يخرج شريف منديلا من جيبه
* يتسابق الأطفال يشكلون صفين
* يتجه الطفل الأكلول ناحية الطعام
يخطف الحلوى

* يعود سميح بهدوء ناحية السلم
* يلتفت إليه سميح بجديته
* يدرك شريف محاولة هروب سميح

سميح : إلحقونى ، بس يا ولد
منك له .
(يصرخ لشريف) إيه دول . .
الفاشية؟!!!

رافايللو : كل سنة وأنا طيب . .
النهاردة عيد ميلادى
شريف : ودول أصحاب
رافايللو ، واستأذنا الإدارة عشان
نحتفل
(للأطفال) يالا صفين هنلعب
المنديل
- صياح الأطفال

شريف : خف يا . .
الطفل الأكلول : وائل يا مستر
شريف : أستاذ سميح؟
سميح : أصلى سيبت الشنطة فوق
شريف : طب اطفى الشمع مع
رافايللو الأول . .

* يتردد سميح بحزن ويذهب يستند إلى

الحائط قرب بوابة الفيلا

* يجري الطفل الأكلول يخطف الحلوى

* يذهب شريف ويقف ممسكاً بالمتنديل

بين صفى الأطفال

* ينطلق الطفلان يحاولان اللحاق

بالمنديل والعودة إلى الصف قبل أن

يلمسه زميله

* يعدو الطفل الأكلول ويخطف حلوى

يلمحه شريف

@ قطع

شريف : خف يا . .

الطفل الأكلول : شادى يا مستر

شريف : عدوا نفسكوم اليمين

وهنبداً من الصف دا . رقم خمسة

وتسعة . .

- تشجيع وتصفيق وصفير

شريف : خف يا شادى

الطفل الأكلول : طارق يا مستر

ليل خارجى - بوابة الحديقة الصغيرة للمعهد

* تظهر الشابة جميلة على باب الفيلا
ضاحكة

* يستدعى شريف رافايللو ليقف
حكماً مكانه ويعطيه المنديل

* يذهب لاستقبال جميلة ويصطحبها
لسميح وسط عدو مجموعة من
الأطفال
* يتصافح الاثنان

شريف: مدام جميلة . . صاحبة
الفيلا والمعهد .
الأستاذ سميح مبتدئين فيولين
جميلة: عايزة أهنيك
سميح: على إيه يا فندم؟
جميلة: عندك ست . . ربنا
يخليها لك .

من كتر أسئلتها ولهفتها وهى
بتقدم ملك ، افكرتها بتقدم لابنها
الصغير . .

شريف: مش هتلعى معانا . .
جميلة: أنا بموت فى " صلح "
سميح: أنا هتفرج
- يتعالى صياح الأطفال

* يبدو التأثير على سميح

* تتغير ملامح سميح

* تنتظر جميلة سميح مستفهمة
* تذهب جميلة مع شريف

* تتوقف جميلة فجأة وتعود إلى سميح

جميلة : من حوالى سنة كان شريف
بيدرسلى كما نجه فى معهد تانى ،
كنت أحسن طالبة عنده .
وف يوم . . حصلتلى حادثة ،
ماسابتش أى أئر والحمد لله إلا
على عصب صباع إيدى الشمال
اللى بعفق بيها الأوتار . . انقطع
وما بقتش قادرة اتنيه .
سميح : عشان كذا فتحتى المعهد
دا

جميلة : دى الفيلا بتاعة جوزى
ودى فكرته .
سلم على زينب كثير . . دى ست
تتحب بجد .
- صخب الجميع

* تذهب جميلة بنشاط ناحية الأطفال
ويلعبون صلح بالتبادل وسط
ابتسامة سميح المتأثرة بحديث جميلة
عن زينب وعن الحادث ويتابعها
بعطف وهى تلعب مع شريف
والأطفال خاصة رافايللو

@ قطع

ليل خارجى - بوابة حديقة المعهد الصغيرة

- * يدخل حسن من باب الحديقة
ويبحث عن سميح ويجده ويتجه إليه
* يخرج حسن نظارة سميح من جيبه
وعيناه تنتقل بين سميح واللعب
بشغف
- * يبدو التأثر على سميح
* يضع حسن النظارة فى جيبه
* يهرول بعض الأطفال حول سميح
وحسن
* تلتفت حسن بفرحة ويتجه تلقائيا
ناحية اللعب
- * يجذب سميح حسن
* يتعد شريف وجميلة ويتحدثان جانبا
* يلمح سميح رافايلو يخرج كرة من
حقيبة على الأرض خلسة ويخلع
السويتر
* يذهب رافايلو مع أربعة أطفال
يلعبون الكرة قرب سميح وحسن
بعيداً عن شريف وجميلة
- سميح: حسن؟؟!!
حسن: نضارتك . . نزلت
اوديهالك، المدام اتخذت عليك
من المشى بالليل شيش بيش .
بعتنى بدالها
سميح: خليها معاك
- حسن: هو فيه إيه؟
سميح: تموت انت فى الشقاوة

* ينظر سميح إلى كمانه فلا يجدها
فوق المنضدة يبحث عنها بعينه
فيفاجأ برافايللو يقف حارس مرمى
ويضع كمانجة سميح عارضة جون
فى الناحية القريبة من سميح . بينما
يضع كمانه العارضة الأخرى
* يبدو الغضب على سميح ويتابعه
حسن مندهشاً

* يلمح سميح أحدهم يثبت الكرة
ليصوبها
* يتقدم الطفل تجاه الكرة بصوبها،
بينما يتجه سميح تجاه كمانه فى
نفس الوقت

* مع اقتراب الكرة يجرى سميح

حسن يصيح : سميح.....

* قبل اصطدام الكرة بكمانجة سميح
مباشرة يمد سميح قدمه (زحلقه)
لإنقاذ كمانه وبالفعل يبعد الكرة
بقدمه

سميح (صارخاً من الألم):

|||||||

* يتمدد سميح على الأرض ممسكاً
بقدمه التى أصيبت بالتواء

@ قطع

نهار خارجى - أحد شوارع القاهرة

أمام عمارة سميح وزينب

* يقف البواب حجاج متمراً يفرد
يديه بجانبه كحاجز منيع بإصرار
شديد ليمنع عم أحمد من الصعود
* يحاول عم أحمد المراوغة لكنه لا
يستطيع مجازاة قوة البواب

البواب حجاج: لأ لأ لأ
عم أحمد: يا جدد ماتزنخش مخك
معايا واوعى أحسنلك
البواب: هو احنا بنقرا ف عبس
وتولى

عم أحمد: يا حجاج ولأ يا هباب
انت . . دا تالت يوم آجى عشان
أزور سميح بيه . . وانت واقف
متصدرلى زى قدرة الفول المقلوبة
"مقلداً البواب" . . ممنوع
البواب: تعليمات البيه كدا . .
كلمه فى التليفون

عم أحمد: سايين الماكينة اللى بترد
دى على طول، يا إما ماحدش
بيرد . . إطلع قولله عم أحمد . . ما
انا بتنبيل قدامك اركب البيه كل
يوم من سنين .

البواب : ما انت كمان عمرك ما
قلتلنى صباح الخير بنفس
عم أحمد : وهى دى خلق تفتح
النفس عشان صباح ولاّ مسا
البواب : كدا؟! طب اتكل
عم أحمد (بصوت مرتفع) : ليه يا
رب خلقت البهايم فى الدنيا أكثر
من البنى آدمين؟؟!!

* يتعد عم أحمد بعض الخطوات
يائساً ثم يلتفت للبواب بغیظ

* يبدو الغضب على وجه حجاج
فيتعد عم أحمد مسرعاً

@ قطع

نہار خارجی - فناء مدرسة رافيللو

* وقت الفسحة وجيوش من الأطفال
مختلفى الأعمار بالزى المدرسى بين
الكلام واللعب

* مجلس فرید وحدہ منزیوً حزیناً علی
کتلة مرتفعة وقد وضع کیس
السندوتشات الشفاف بجانبه رافضاً
الطعام ویؤرجح قدمیه بعصبیة

* يـرـبـه أـصـدقـاؤه الأربـعة الـذيـن
شـارـكـوه لـعـب الـكـرة فـي فـيـلا مـعـهـد
المـوسـيـقى و يـحـيـطـونـه

طفل ١ : رافايللو . . ماتبقاش
غلس بقى

طفل ٢ : ما هو اللي غلطان ..

مش کان یستی اما اشوٲ انا کمان
طفل ٣: هو شافنی هشوٲ من هنا

وزو ووو ووو

طفل ٤ : ويصرخ اااااااااااااااااااا

طفل ١ : ولا العيال الصغيرة

ۛضحك جماعى

طفل ٢: قوم نلعب لحسن والله العظيم نروح نفتن لمستر عطية إنك قلت عليه شبه مرات أبو حفيظة

* يتكتل الأطفال على رافيللو
يجذبونه

طفل ٤ : وهيديلنا الفول مارك
عشان فتننا عليك
طفل ٣ : وهيصدقنا على طول
رافايللو : ليه؟
طفل ١ : عشان مناخيره كبيرة شبه
طنط أم حفيظة بالطبط .
- ضحك جماعى للخمسة

* أخيرا ينجحون فى جذب رافايللو
الذى يذهب معهم يحاول الابتسام
ناسياً كيس ساندوتشاته ويذوبون
وسط بقية التلاميذ

@ قطع

ليل داخلي - غرفة نوم سميح وزينب

- * التليفون على الكومودينو بجانب
سميح
* سميح ممدد تحت الغطاء متجهماً
* عكاز بجانب الفراش
* حسن يجلس على مقعد أمام سميح
* تقف زينب عند باب الغرفة المفتوح
* ينتظر الجميع من المتحدث
- جرس التليفون مرتان
حسن : مش هترد يا سميح؟
حركة الأنسر ماشين
المتصل لا يترك رسالة ويضع
السماعة
* يتبادلون النظرات الصامتة
@ قطع

ليل داخلي - غرفة نوم رافايللو

(غرفة نوم طفل شقي عفريت مليئة
باللعب والبوسترات - شباك - تليفون
أرضى على الكومودينو والسلك يأتي
من الخارج - مكتب للمذاكرة - باب
الحجرة مغلق- موبيل)

* شيش الشباك مفتوح والزجاج مغلق
* يجلس رافايللو فوق مكتبه مربعاً
قدميه سائداً رأسه على كفه وقد ملأ
ورقة كراسة الرسم أمامه شخايط
عنيفة بقلم رصاص صغير للغاية
يضعه على الورقة أمامه . .
* فجأة يقفز رافايللو ويفتح زجاج
الشباك ويلقي بالقلم الرصاص بكل
قوته

نص الرسالة بصوت زينب :
" منزل سميح الأخضر . . من
فضلك سيب رسالة " - صفارة

* يتجه فوراً إلى التليفون بغضب
ويضرب الرقم الذي يحفظه جيداً

* يضع رافايللو السماعة بعنف ويضع
يديه حول وسطه غاضباً للغاية
ينتش ورقة الرسم المليئة بالشخبطة

ويفر تكها مليون قطعة ويشترها إلى
أعلى فتسقط كالأمطار فوق رأسه وهو
ينفخ من قلبه بكل غضب وقلة حيلة
@ قطع

نهار داخلى - غرفة نوم سميح وزينب

* باب الغرفة مغلق

* يجلس سميح على المقعد بالروب
وأنكل قدمه ملفوف برباط ضاغط
يمسك بالعكاز فى يده وملاحه أهداً
قليلاً

* أمامه حسن يقف حاملاً هدية
ويرتدى قناع أطفال مضحك وعباءة
فضفاضة

* ينحن حسن بحركة مسرحية متقنة

حسن : والآن سيدى الكونت . .
إليك هدية فيليب أوجست ملك
فرنسا وكوم الدكة . .

مد يدك يا رجل ولا تحجل البتة . .
إن فيرجينيا الجميلة تتحرق شوقاً
فى انتظارى فى خيم الإيواء
وخرائب العشوائيات الكحلى

سميح : ما تقرب
حسن : ما تقرب انت

* يهز سميح العكاز مخمناً

* يمد حسن يده ويقف بعيداً

* فجأة يطوح سميح الهدية بالعكاز
* برد فعل سريع يقفز حسن ويلقف
الهدية مثل حارس المرمى ثم يقف
يحبى الجماهير

- تصفيق الجمهور وهديره

- جرس الباب بالخارج

سميح : ماحدث يتشرط على
سميح الأخضر
- رنين الأصابع المعدنية من الخارج
حسن : إنت بعد الزحليقة العظيمة
دى بقيت سميح الأزرق
- نقر رفيق على الباب
حسن : أنتريه
شريف : أفيك بليزير مسيو . .

* يفتح شريف الباب ويده وردتان
* يدخل ووراء زينب تحمل وردة
وهى مبتسمة
* يسارع حسن بخلع القناع
* يلمحه سميح فيخرج عود الثقاب
من جيبه ويمارس هوايته فى تقلبيه
* يتقدم شريف من سميح ويهديه
وردة
* يندهش سميح وهو يقلب عود
الثقاب
* يتجه شريف نحو حسن ويعطيه
الوردة الثالثة

سميح : إنت عدّيت من البواب
ازاى؟
شريف : قتلته طالع للأستاذ
حسن . . مش عبقرية يعنى
- جرس التليفون مرتان
- دوران الأنسر ماشين
- لحظات صمت
رافايللو : (بتأثر واضح): أونكل
سميح . .
"فترة صمت"

* يتبادل الجميع النظرات

* ردود أفعال متباينة بين تعاطف مع
رافايللو وخوف من سميح

إنت لسة زعلان منى... " فترة
صمت " طب أنا
أسف

" فترة صمت "

إنت سامعنى؟! ...

" فترة صمت "

حسن : حد يميليه ولا إيه...؟؟

رافايللو : والنبي يا ماما روحى

إنتى شوفى الباب ، خلاص

خلاص هقفل والله ..

" لحظات صمت "

لنفسه " أخيرا " ..

(تعلو نبرة رافايللو فجأة) ..

كل دا عشان شوطة؟؟!!!!!!

وبعدين حصل إيه يعنى لما وقفت

الكمأنجه بتاعتك عارضة؟؟!!

يعنى أسيب اللعب واروح ادور

على طوبة .؟؟ دا بدل ما تقوللى

كل سنة وانت طيب يا رافايللو

وتقفلنا حكم ..

طب آهى الكورة ماجتش جون ..

عاجبك كدا ..!! طب وحياة ربنا

لاسيبك تغلط فى درس الكمأنجه

ومش هصلحلك ..

"برهة صمت" . .
"بتأثر وصدق" خلاص بقى يا
سميح بقى . . !!
- الأم "تنادى من بعيد" : يا فريد
- تُغلق السماعه بسرعة شديدة
- صمت جماعى
- ضحك جماعى

* يتبادل الجميع النظرات ثم ينفجرون
فى الضحك
* سميح أقلهم فى الضحك وكذلك
زينب

سميح (لشريف): رافايللو جاب
نمرة التليفون منين؟
شريف: تاكس
حسن: خدنى معاك أنا نازل
حلايب

* يشعر شريف بالمأزق فيسارع ناحية
الباب
* يذهب حسن وراءه وفى يده الهدية

* يفتحان الباب ويختفيان

@ قطع

نهار داخلى - حجرة السكرتارية الملحقة

بمكتب سميح فى وزارة الزراعة

* تقلب هيام محتويات حقيبتها على

مكتبها وهى فى حالة سيئة

* يقف عم أحمد عند الباب المفتوح

يؤرقه ضميره

* يجلس هاشم باطمئنان وراء مكتبه

يراقب الموقف

* يقف موظف ١ - ٢ أمام مكتبيهما

موظف ١ : مرة واحد صعيدى ابنه

وقع منه ف غيط درة لقاءه فى غيط

القمح ..

- ضحكات مستفزة من موظف ١

- ٢ وهاشم

هيام : يعنى الفلوس هتكون

راحت فىن بس؟

هاشم : دورى كويس .. دا إحنا

لسة أول قسط فى الجمعية

هيام : والله العظيم أنا حطيت

الخمسميت جنيه بإيدى فى

الشنطة ، وبعدين أنا قالبة الدنيا فى

البيت بقالى يومين وبرضه مفيش

فايدة .

* تنظر هيام إليهم بانكسار

* تفتح هيام كل أدراج مكتبها وتخرج

محتوياتها بلا فائدة

* تنزل هيام تبحث تحت مكتبها وترفع

الكرسى من مكانه

"الموظف ١ - ٢": بدل ما تتريقوا
قوموا ساعدوني
موظف ٢: لأ لأ دورى . .
هاخدكم كاملين تالت ومثلت ،
وخلى بالك أنا ما تخيلش عليا
الحركات دى

* تستنجد هيام بعينيه بعم أحمد

عم أحمد: قال يا مستأمن الديب
على المعيز ، يا مآمن لزمة الانجليز
هاشم: قصدك إيه يا راجل
انت؟؟؟؟؟

* يقف هاشم غاضباً

هيام: تطلق تنهيدة حارة
وبصدق . . "يا رب"

* لم تستقبل هيام رسالة عم أحمد
* تعود لتجلس خلف مكتبها نائهة

@ قطع

\$ مشهد [٥٢]

ليل داخلي - صالة شقة حسن

* يدق بواب العمارة الشرس باب

حسن بعنف مثل الزلزال

* يفتح حسن الباب مفزوعاً

حسن: إنت يا لوح . . ماتعرفش

تخبط زى البنى آدمين

البواب: يا بيه عشان لو كنت نايم

اصحيك ، يعنى الحق عليا

حسن: تصحى مين . . زمان

العصافير ماتت بالسكته القلبية

البواب: العصافيريير . . آهى

الست تهانى شتمنى زى كل يوم

وباعتانى اقولك إنها مش عارفة

تتخمد من هوستهم

حسن: يقطع تهانى على سنين

تهانى . . يعنى اقطع لسان

العصافير ولا احطلهم منوم فى

الشاي؟ طب إيه رأيك بقى . . لو

العصافير طلعلها ضوافر وفتحت

الاقفاص وهربت . . هقف بنفسى

على السطح ليل نهار أرفرف

واصوصو عشان ماخليش

الكونتيسة نهانى تتهنى على خمدة
واحدة . . إمشى غور من وشى
البواب : طب فيه ضيوف عشانك
يا سى حسن وانا حاجزهم ،
بيقولوا اخواتك

* يرفع حسن يده للسما

حسن : يا رب . . خده عندك
شوية . . ظبطه وابقى رجعه تانى
يا بنى آدم مش قالوا اخواتى . .
حاجزهم ليه؟

البواب : إلا هو انت ليك كام أخ
وكام أخت يا سى حسن؟ وليه
كلهم ولا مؤاخذة مايشبهوش
بعض بتاتاً

* يدفعه حسن بيديه إلى الخارج

حسن : وانت مال أهلك؟؟
طلعهم وانت ساكت . . وابقى
حط على وشك مية نار ولا كمامة
مسمومة عشان الضيوف
والعصافير مايتسرعوش

* ينزل البواب منفذاً الأوامر على

مضض

* يخرج حسن وراءه ويغلق باب الشقة

@ قطع

ليل داخلى - تراس جنة حسن

حسن (لنفسه): وبعدين . .

وبعدين؟؟

سميح: إنت اتجنت يا حسن
بتكلم نفسك . .

حسن: سميح؟؟ إنت بتطلع فى
أى وقت كذا؟!!

سميح: ما انا بقالى أسبوع قاعد
فى البيت . زهقت يا ابو على .
شريف بييجى يلدينى درس
الكمأنجه ، وانت امبارح جريت
ونسيت تلدينى هديتى للمرة
الألف . .

سميح: شكلك مريب . .

حسن: يا حبيبى إنت هتوترنى
بالعافية . .

سميح (بتحذير): حسن . .

* يقف حسن أمام باب شقته

* يظهر سميح فى مدخل السلم يعرج
مستنداً على عكاز

* يقترب سميح

* يقترب حسن ويلتفت ناحية المدخل
بارتباك

* يرتب حسن المنضدة والمقاعد

* يحضر حسن مقعدين له ولسميح
قرب السور وفى موقع ليس بعيداً
عن المنضدة بحيث يستطيع حسن
الاستماع للجالسين حولها

* يقف حسن كالطفل أمام سميح

* يرفع سميح كفه علامة القسم
* يقترب حسن من أذن سميح

حسن : طب اقولك وماتقولش
لحد

سميح : وعد
حسن : الواد ابن اخويا ماكانش
عارف يقعد مع خطيبته فى حتة
عشان الأسعار نار ، قتلته تعالوا
هنا فى الجنة والمشاريب على
حسابى . الواد اكيّف من الفكرة
قال لاصحابه ، جرجروا بعض
ورتبوا لنفسهم آجنده حجوزات .
بس اللى بيحوزوا مابشوفهمش
تانى

سميح : والكازينو دا كان افتتاحه
إمتى ان شاء الله؟!

حسن : ستين
سميح : ستين؟؟ وانا نايم على
ودانى!!

حسن : لأ . . ما انا عارف
مواعيدك كويس
سميح : والجيران؟؟

حسن : إيه . . إخوانى وقرابى
- خطوات على السلم قريبة جدا
لشخصين

حسن (لسميح): شششششششش

* يندهش سميح

* يظهر شاب وفتاة عند المدخل

* يشير حسن إلى المنضدة ويدعوهم
للجلوس فيجلسان بهدوء وحب

* يهم سميح بالذهاب
* يجذبه حسن برفق

(للزائرين) أهلاً وسهلاً .
اتفضلوا خدوا راحتكو
سميح : ومين دول يا سيدى؟
حسن : مش عارف دول أعضاء
جدد، هروح اجيب العصير
سميح : أسيبك لضيوفك
حسن : هو انا اخوها قاعد اقرفهم
سميح (بتجهم) : طب
افرض
حسن : يا ساتر عليك يا سميح ..
هو دا كل اللي يهمك .. ربنا ما
يحكمك على رقبة روميو
وجولييت أبداً

* يدخل حسن شقته ليحضر العصير
* يجلس سميح يراقب الشاب والفتاة
يجذر وفضول وهما يتبادلان نظرات
الشوق والغرام
* يعود حسن بالشفشق و٢ كوب فبر
بيضاء يضعهما على المنضدة ويعود
ليجلس بجانب سميح

حسن : كنت الأول بحط كبايات
إزاز زى الناس الكويسة .. لحد
يوم إسود اتخانق فيه اتنين كنت
أول مرة أشوفهم، قاموا بالكبايات
دشوها على دماغ بعض وكانت
فضيحة
سميح : ليه؟

حسن : البنت كانت عايزة تعلق
فى أوضة النوم صورة شمس ومية
وكدا يعنى ، والواد ابن المؤذية
خريج معهد سينما بيموت فى
أفلام صلاح أبو سيف . . راسه
والفين صرمة برباط لزماً حتماً
خطيبته تختار . . يا تحط صورة
شفعات وهى بتموت تحت رجلين
التور فى فيلم شباب امرأة ، يا تحط
صورة ريا وسكينة فى عزهم
ووراهم سى حسب الله جوزى . .

@ قطع

\$ مشهد [٥٤]

ليل داخلى - شرفة غرفة نوم سميح وزينب

- ضجيج هادىء للسيارات يوحى
أن الوقت متأخر

زينب (فى ذهنها): صديقة عمرى
الوحيدة . . أول مرة أكتبلك
جوابين فى شهر واحد . . لو
تعرفى قد إيه محتاجالك . . الليل
ساكت خالص . . وانا عايزة حد
يسمعنى . . طب إفرضى جيتلك ،
هقولك إيه؟ الكلام ضايع
جوايا . . تصورى . . الكتب
بفرها من غير ما اقرا أى كلمة زى
العدسة العمياء ، حتى الشطرنج . .
بفضل اللاعب روى وفى الآخر
بنطلع احنا الاتنين مغلوين . .

* تقف زينب فى الشرفه تتأمل المنظر
أمامها ترتدى ملابس خفيفة وترسل
رسالة لصديقتها الوحيدة داخل
رأسها

@ قطع

\$ مشهد [٥٥]

ليل داخلي - تراس جنة حسن

* يجلس حسن على المقعد الهزاز
يتأرجح منسجماً
* يجلس سميح على المقعد البامبو فى
مكان مختلف وبملابس مختلفة عن
المشهد السابق

* يشرب الاثنان العصير على مهل
* العصير والكوبان الفبر على مائدة
الحبيين
* على المنضدة يجلس شاب وفاتة
آخرين عن المشهد السابق
* الفتى الآفاق يمسك بيد الفتاة الطيبة
المتوسطة الجمال التى تلبس حلياً
ذهبياً كثيراً
كله . .

* فجأة يضع الفتى يدها على قلبه
الفتى : إسمعى كدا . . قلبى
مفيش على لسانه غير بحبك . .
بحبك
الفتاه : آيوه . . بس أنا
مش
الفتى : إنتى يا حبيبى مش شايفة

نفسك كويس ولا عارفة قيمتك
الفتاة: أول مرة حد يقوللى الكلام
دا . .

سميح (لحسن مغناطاً): طب
ليه؟!!

حسن: مراية الحب الله يسامحها
بقى مش شايفة طمعه . . إنت
ماسمعتش نجاة وهى بتقول . .
أصدق لو قالولى الشمس نسي
مرة تطلع فى المعاد، واصدق لو
قالولى النجمة تنسى الليل وتقدر
البعاد أصدقهم . . واصدق أى
شئ ينقال

سميح: أنا هتصرف . .
حسن: يا حبيبي . . كل واحد
عقله مريحه

* يهم سميح بالقيام
* يشير له حسن ألا يفعل

@ قطع

\$ مشهد [٥٦]

ليل داخلي - صالة منزل سميح وزينب

* تلف زينب بخطوات بطيئة في دائرة

* تهز الأصابع المعدنية بيديها

* تستكمل إرسال الخطاب

- رنين النغمات

زينب: عارفة.. ساعات بحسد

السمك عشان بيعرف يفتح عنيه

تحت الميَّة.. وساعات بحسد

الطيور.. بتفضل تلف وتدور من

غير سور وساعات بحسد الدنيا

عشان كل الناس بتحبها

وساعات .. أنا

هتجنن .. هتجنن

@ قطع

\$ مشهد [٥٧]

نهار داخلي - غرفة نوم هيام

* باب الغرفة مغلق

* تجلس هيام على الفراش حزينة

* تدخل والدتها الحجرة عائدة من

الشرفة حاملة الغسيل الجاف

* تغلق الأم الشرفة بيد واحدة

وتتوقف أمام هيام

* تظل هيام كما هي فتقترب الأم

وتضع الغسيل على فراش هيام

وتطبقه

الأم: وأخرتها يا هيام؟؟؟

يا حبيبتي . . لما انتى ماهيتك كلها

ميتين وخسين جنبه، تحشى جمعية

بميتين . . طب تركب ازاي . . ؟

هيام: أنا يظهر بعمل كل حاجة

غلط ومش عاجبة حد . .

الأم: يا بنتى مين قال كذا بس . .

هيام (بصوت عالي) كلكو، حتى

زمايلي فى الشغل مابلاقيش فى

عنيهم غير كلمة واحدة بس . .

دى ينضحك عليها . . مع إنى فى

حالى وبحاول ماضيقش حد

الأم: طب واشمعنى مابتفتكرش

إلا الناس الهفأ دول وتسبى رأى

راجل حقانى زى عم أحمد اللي

بتحكيلى عنه

* فجأً يفتح الباب ويدخل شقيق
هيام الأكبر منصور (فى الثلاثينات)

* تترك الأم الملابس بعنف

* هيام تزداد حزناً

* يضحك منصور باستفزاز واستهزاء
ويختفى من الباب ويغلقه خلفه
* تنظر الأم إلى هيام وتحاول التلطيف

* تحمل الأم الغسيل وتجه إلى الباب
* تنهض هيام بغير رغبتها وتقرب من
الأم تستوقفها
* تفاجأ الأم بالسؤال ويعتصر قلبها
على ابنتها

@ قطع

منصور: والنبي لو قعدتى تفهميها
العمر كله ما هتفهم حاجة . . هى
كدا ربنا خالقها عشان كل الناس
تلعب بيها . .

الأم: إنت إيه اللي جابك دلوقتى
يا منصور؟ وإيه اللي دخلك فى
الكلام أصلاً؟

منصور: أخوها الكبير ولأ مش
من حقى . .
الأم: أخوها الكبير تسندها مش
توقعها

- ضحكات منصور

الأم: يالا يا هيام . . زمان الأكل
بيغلى ع النار

هيام: قوليلى يا ماما . . هو انا
شكلى عيب . . !!؟

ليل داخلى - تراس جنة حسن

* حسن وسميح فى موقع آخر من
التراس

حسن : دول بقى يا سيدى الجوز
اللى يطول العمر .

* يتدرب حسن جرياً على أحد
الأجهزة الرياضية بينما يجلس سميح
فاردًا قدمه السليمة على كرسى
أمامه يشاهدان شاب وفتاة آخرين
أمامهما العصير

الفتى : يا حبيبتى بتعطى ليه
دلوقتى بس؟

* تبكى الفتاة بحرقة

الفتاة : أمى سابتلنا البيت
ومشيت ، وابويا سكران على طول
حسن : يا دى الكآبة . . المفقودة
دى كل ما تشوف خلقة الواد
باعينى ، تهد حيله بمشاكلها
وكوارث الجيران واصحابها
وقرايبها وحبايبها واللى يحب النبى
يزق . والواد ابن حلال . . يفضل
يحايل ويسايس ويضطرب ويمسح
لحد ما بقى هو نفسه شبه
الكليנקس المفرط . .

* يقترب حسن بمقعده من سميح

سميح (يضحك): همّا دول

الصنف النكدى الوحيد؟

حسن: لأ، فيه اتنين من العيال

بتوع يعد بكرة بالعكس بقى . .

الواد تبت وبلط ودمه يلطش . .

أما البنت . . يا عىنى ع البنت . .

دمها سكر زيادة، عصفورة بنت

جنية وغاوية مقالب . . يا لهوى

يانى على عنيتها لما تضحك . .

تخليك تلعن أبو خاش النكد . .

سميح: طب وهو . .؟؟؟

حسن: حمار بست رجلين . .

البنت تحبيه شمال تناغشه يمين،

ودا مايحيلهاش إلا لابس اسود ف

اسود زى متعهد حفلات عمر

مكرم . . آخر مرة خالص رمتله

الدبلة فى وشه وهى هتموت

منه . .

سميح: المركب اللى تودى

حسن: بيتهيا لك

سميح: يعنى إيه؟

حسن: بتجبه؟؟؟؟!!

@ قطع

\$ مشهد [٥٩]

ليل داخلى - غرفة نوم سميح وزينب

زينب : فاكرة مريم بنت عم شرف
اللى كانت تلميذتنا فى المدرسة . .
جاتلى النادى تاخذ رأى فى واحد
زميلها معجب بيها . . وحلفتنى
ماقولش لشرف . .

* تقف زينب أمام المرأة تمشط شعرها
وبترو شديد تستكمل الرسالة داخل
نفسها

* تتوقف زينب عن التمشيط وتظل
يدها معلقة بالمشط عند رأسها

كبرت مريم . .

* تبسم زينب

@ قطع

\$ مشهد [٦٠]

ليل داخلى - تراس جنة حسن

- * حسن وسميح بملايس مختلفة
* يجلس حسن يدخن الشيشة بيد
وبالأخرى يلعب بالمرجيحة
- * يقلب سميح عود الثقاب وهو يقف
بين أففاص العصافير يراقب فتى
وفتاة جدد يجلسان على المنضدة
وأمامهما كوبا العصير
- * الشاب والفتاة غاية فى الرقة غارقان
فى نظرات الغرام
* يقف حسن ويتعد بتأثر
- سميح : ودول؟
حسن : دول بقى يا سيدى ماركة
بين الأطلال بالنظرات . .
بالهمسات . . بالصمت الرهيب
- سميح : ماوحشكش فؤاد يا
حسن . .
حسن : دا ابنى الوحيد يا سميح ،
إزاي مايوحشنيش دا انا ساعات
بجضن الهوا على إنه فؤاد . .
بس هو كمان لازم يعيش
حياته . . من يوم ما سافر يدرس
فى انجلترا واشتغل . . قلت هو
يشوف نفسه ، وانا كمان اتمتع على
كيف كيفى .
سميح : وإذا رجع؟
حسن : لما بعث كل أملاكى

واشترت الجنة دى ، حُوشْت
لنفسى شوية فلوس لزوم السعادة
والعصافير ، وحطيت كل ملیم
باقى باسم فؤاد فى البنك . يرجع
مايرجعش . . هو حر

سمیح : تعرف يا حسن . .
ساعات بسأل نفسى إحنا لیه
أصحاب ، ولیه بستمحل كلامك
اللى زى الدبش ، مع إننا .
الفتى : تقصدى إيه بالبصّة دى ؟

* فجأة يتصاعد شجار حاد بين
العاشقين

* يتوقف حسن وينتبه سمیح

الفتاة : إيه بصّة دى . . ماتحسن
ملافظك
الفتى : إنت هترببنى ولا إيه . . ما
تيجى تاخديلك قلمين ، يمكن
نارك تبرد
الفتاة : إحترم نفسك لأهزءك
الفتى : ماتطلعیش زرابینى لا
ألطشلك

* تجذب الفتاة الفتى من شعره

الفتاه : تلطّش لمن يا ابو فانلة
مقطعة عاملة حادثة
سمیح (لحسن) : وهى شافت
فانلته فى . . ؟!!!!
الفتى : إنتى بتمدى إيدك . .
جيبتيه لنفسك

* يقف الفتى والفتاة خلف المنضدة

ويتعاركان بالأيدى كما الأطفال

* يجرى حسن أسرع من سميح الذى

يعرج بدون عكاز لفض الاشتباك

حسن : يا حبيبى منك ليها ، عيب
كدا . .

الفتى : هو انت تحتحكم فينا
عشان اللجنة بتاعتك؟

حسن : هو إنت مش قادر ع البتاع
هتقدر ع البتاع

الفتاة : قصدك إيه يا اسمك ايه
انت؟!؟

* تمسك الفتاة فى حسن

سميح : أقعد يا ولد انت وهى
واسمعونى لما اخلص كلامى

* يصل سميح

تهانى (لحسن): ايه الأردغانة اللى
هنا دى . . مش كفاية مقاصيف
الرقبة عصافيرك

* تظهر تهانى عند المدخل فجأة

(لسميح): وانت كمان وصلت
هنا . . عشان تكمل

* حسن على آخره من المفاجأة

حسن : إنتى ايه اللى طلعتك
دلوقتى . .؟!؟

تهانى : افكرتهم بيضربوك جيت
اضرب معاهم
- صياح رباعى

* لا أحد يسمع أحد والمركة على

أشدها بالصياح وبالأيدى خاصة بين
الفتى والفتاة

* تتعمد تهاني ضرب حسن بدون
مناسبة

* وأخيرا ترفع الفتاة شفشق العصير
وتصعد فوق الكرسي وتصبه بقوة
فوق رأس الجميع بالهنا والشفاء!!!!

@ قطع

\$ مشهد [٦١]

ليل داخلي - صالة شقة هيام

* تقف الأم فى مواجهة منصور
غاضبة وهو يجلس متعالياً

الأم: دى آخر مرة تكلم فيها
أختك بالطريقة دى
منصور: أنا قتلها الحقيقة .. أنا
خايف عليها
الأم: خايف عليها ولا على
نفسك ..

* يقف منصور مرتبكاً

إوعى يا واد يكون عقلك قالك إن
أمك بينضحك عليها هى رخرة
وف نومة ..

منصور: ما تفسرى كلامك يا امه
الأم: إنت بتقرف فى هيام
وبتكرها فى روحها عشان وقت
اللزوم تعمل الشويتين بتوعك
وتقوللها انا اخوكى الكبير وعشان
إنتى هبلة ومابتعرفيش تختارى ..
أحسنلك تتجوزى فاروق صاحب
محل اكسسوار العربيات اللى
بشتغل عنده

* يرتبك منصور أكثر

منصور: إنتى جيتى الكلام دا
منين ..

الأم : واهو تبقى ضربت
عصفورين بحجر . . تبقى الدراع
اليمين بتاع ابو نسب ، وبالمرة
تلهف الدكان اللى ابوك الله يرحمه
كتبه باسم هيام قبل ما يموت بيوم
واحد بس . .

منصور : طب مادام إنتى كاشفة
الورق كله ، هيام هتتجوز فاروق
يعنى هتتجوزه . . حد يطول
يعيش فى خير اكسسوار الخنزيرة
والزلمكة . . إنتو أصلكو وش فقر
الأم : (بهدوء) : مش دا لو كانت
مسألة عرييات بس؟؟

* يزداد منصور غضباً

* تواجه الأم منصور وجهاً لوجه

* يصل ارتباك منصور أقصاه

@ قطع

\$ مشهد [٦٢]

ليل داخلي - تراس جنة حسن

سميح : دول نسخة بين الأطلال
دول؟؟!!!
حسن : آيوه يا سيدى . . بس
العفريته

سميح : هما سكتوا ليه؟؟!!
حسن : وانا كنت عارف هما
اتنيلوا هبشوا فى بعض ليه أصلاً؟
سميح : إوعى تكون مراتك كانت
كدا؟

حسن (بتأثر وحب) : الله يرحمها
سميح : والله تلاقيك متجوز ولا
حد يعرف

سميح : قاعدين هايمانين ولا
كأنهم كانوا لسه بيلعنوا فى
ستسfil بعض وهدومهم شاربه
عصير مشبّر

حسن : الحب يا سميح زى صدفة
لؤلؤ مش مشغولة بغناها . . نصها

* يجلس سميح وحسن على
مقاعد هما منهكين مبعثرى الثياب
منكوشى الشعر وأثار المعركة
واضحة على الجنة

* يجلس الفتى والفتاة فى حالة أسوأ
فى حالة صمت تام على مقعديهما
ويتبادلان نظرات الشوق والحب
وكأن شيئاً لم يكن

* يرمقه حسن بنظرة لا تدل على
إجابة قاطعة

* يتأمل حسن وسميح الفتى والفتاة

سر ما حدش يعرفه ، ونصها ضى
نار جهنم لذیذہ تدعى ربنا عمر ما
تطولها مية أبداً . . .

@ قطع

\$ مشهد [٦٣]

ليل خارجى - أمام عمارة حسن

* يخرج حسن من باب العمارة يقابله
خالد وعمر

خالد : أستاذ حسن . . رايح فين
يا باشا كنا طالعينك
حسن : دا مش معادك يا خالد . .
والنهاردة خلاص فينيتو

خالد : إطمئن أنا حافظ مواعيدى
زى شكل الدولار صم . . أنا
جيت أعرف أخويا عمر بالعنوان
وبيك عشان يعمل عضوية .

حسن : أهلا يا عمر . . العنوان
سهل . . ٦ شارع النيل
عمر : أنا فرحان أوى بحضرتك ،
وما صدقتش خالد لما حكا لى . . ٦
شارع النيل . .

الله . . مش سميح الأخضر وكيل
وزارة الزراعة ساكن هنا؟

حسن : و انت تعرفه مين؟
عمر : أبويا بيقى سواق أستاذ
سميح

حسن (لخالد) : طب ما انت جيت
هنا مليون مرة . . إزاي ما خدتش
بالك؟

* يمد حسن يده مصافحاً عمر

* يمد عمر يده يصافح حسن

* يتنبه عمر فجأة

عمر : دا . . دا قرد مسلسل إزاي
ماياخدش باله من العنوان اللي
ابونا بيسمعهولنا كل يوم ،
والاسم اللي مالناش سيرة غيره .
خالد : يا سيدى أنا باجى
انبسط . . مش غاوى ادوش حد
بتاريخ حياتنا المجيد .
(لعمر بطفولية) مش هتقول لعم
حسن على الندل اللي لطش
زميلته وهى فى الطراوة!

@ قطع

\$ مشهد [٦٤]

ليل داخلي - حجرة الدرس بمعهد الموسيقى

- عزف رافايللو
شريف: حلو يا رافايللو . . بس
انت محتاج تذاكر أكثر . .
رافايللو: ماحدثش يجيلى سيرة
المذاكرة دى خالص . .
شريف: طب ماتزعلش يا
سيدى . . لازم تلعب على
الكمانجه فى البيت شوية زيادة . .
رافايللو: آه . . كدا أحبك
وأحطك فى دماغى فى السليم
- جرس موبيل رافايللو
رافايللو: آلو . . آبوة يا بابا . .
دلوقتى دلوقتى . . ؟؟؟؟؟؟؟؟؟؟؟
إنت بتتكلم من قدام المعهد مجد؟
(بحزن) طب ما تأجل المشوار أو
روحوا انتو . والنبي يا بابا أقعد مع
شريف شوية
(بترجع): بتقول ايه . . ؟ هنروح
بعد كدا سينما . . فيلم إيه؟ طب
مش ممكن ناخذ شريف معانا؟
أوكى

* يقف رافايللو مركزاً على الباريتورا
ويعزف مقطوعة وأمامه شريف
يتابعه حتى ينتهى

* يخرج رافايللو الموبيل من جيبه

* يلتفت ناحية شريف ثم يعطيه ظهره

* يغلق رافايللو الموبيل ويضعه فى
جيبه ويتسم ببراءة فى وجه شريف
* يصعد رافايللو على مقعد بجوار
شريف
* يرتبك شريف
* فجأه يقفز رافايللو من فوق الكرسي
ويجمع حاجياته بسرعة الصاروخ
ويجرى ناحية الباب ثم يتوقف فجأة
ملفتاً ناحية شريف
* يبهت شريف
* يجرى رافايللو حاملاً كمانه إلى
الخارج ويترك شريف مذهولاً
* يخرج شريف كمانه من الدولاب
ويقف بجانب البيانو ويعزف أغنية
ليلي مراد على الكمان "رايداك"
@ قطع

شريف : ألف سلامه يا أستاذ،
والمره الجايه تحكيلنا على الفيلم
رافايللو : مالك؟ مش حلوى
كل مره؟
شريف : مش حلوازاى يعنى؟
رافايللو : ما تتجوزها وخلاص يا
أخى . .

- عزف الكمان

\$ مشهد [٦٥]

نهار داخلي - مكتب سميح بوزارة الزراعة

* يجلس سميح وراء مكتبه بقلب عود
الثقاب بهدوء وعكازه على مكتبه
بجانب النظارة

* أمامه يقف هاشم خائفًا وهيام
لانفهم شيئًا وعم أحمد نادماً

سميح (لهاشم): يظهر إنك مش
هتتحترم نفسك أبداً
هاشم: يا فندم ..
سميح (مقاطعاً): إنت حرامى ،
سرت فلوس هيام من شنتتها ..
قول لأعشان اتصل بمراتك
وولادك يجوا يفتخروا بيك بقية
عمرك ..

هاشم: ما انا كنت محتاج
فلوس .. لقيتهم قدامى ..
سميح: إحمد ربنا إننى مابلغتش
البوليس ..
هاشم: ما هى ..

سميح (مقاطعاً): إطلع برة
سميح (لهيام): عم أحمد هيدخل
الجمعية بدل هاشم وهيسلفك
الفلوس وتتفقوا على القسط كل
شهر ..

* يأخذ هاشم طريقه إلى الباب مغتاظاً
ويغلقه خلفه

* ينوى عم أحمد وهيام الاعتراض

* هيام تتجه إلى الباب حائرة

* تلتفت هيام إلى سميح

* تفتح هيام الباب وتخرج وتترك عم

أحمد وحيداً

أنا خلصت

(منادياً) هيام . .

ما تحكميش على الناس إلا اما

تجربيهم ، الثقة دى مش ببلاش

عم أحمد : يا بيه أنا . .

سميح : بقى بعد السنين دى كلها

ما تعلمتش منى حاجة يا أحمد؟؟

عم أحمد : جل من لا يخطيء يا

بيه ، بس حضرتك عرفت منين . .

سميح : أقساط الجمعية والسلف

هتاخذهم منى أنا بينى وبينك ،

وابقى أسمع إن هيام ولا غيرها

عرف الاتفاق

عم أحمد : وانت ذنبك إيه يا بيه؟

سميح : أنا خلصت

@ قطع

\$ مشهد [٦٦]

نهار داخلي - الطريقة المؤدية إلى مكتب

سكرتارية سميح بوزارة الزراعة

* يتجه سميح إلى الأسانسير يعرج
قليلا دون عكاز

* يحمل الفراش عنه حقيبتيه ويتبعه
* يلاحظ سميح ورقة معلقة على
الحائط

* يتوقف أمامها فجأة فيكاد الفراش
يصطدم به لولا أنه تدارك الأمر في
اللحظة الأخيرة بحركة بهلوانية
مضحكة

* "نص اللافتة" يقرأها سميح بعينيه
(توفيت الى رحمة الله تعالى عمه
الزميل شكرى عبد الحميد . . العزاء
تلغرافياً . . ١١ شارع المحطة -
الجيزة)

الفراش : دا شكرى سعادتك بتاع
الحسابات عمته اتوفت
سميح : الله يرحمها

* سميح يعيد القراءة بعينيه
* يستكمل سميح طريقه ووراءه
الفراش مندهشاً حتى يفتح له باب
المصعد
@ قطع

\$ مشهد [٦٧]

نهار خارجى قبل الغروب - مركب فى النيل

- * يتنزه شريف وكريمة فى مركب لا
يصحبهما سوى المراكبى
* يهب شريف واقفاً غاضباً ويكاد
يسقط
* بجانبه تجلس كريمة بهدوء مبتسمة
* يقف شريف على حافة المركب
متحفظاً
* تقترب منه كريمة
من أول مرة غيت وانت بتعزف
وانا شوفتك بنى آدم طيب، فنان
رقيق، عقل متفتح ومابتشيلش هم
شريف : دى حاجة ودى حاجة
كريمة : دى أهم حاجة . .
بصلى يا شريف . .
إنت بتحبينى ولا لآ؟
شريف : (صمت متشكك)
إنت بتفكر فى الرد . . ؟!
شريف : مش قصدى يا كريمة . .
أنا كل اللى اعرفه إنى شوفتك . .
لخبطينى . . حبيتك

كريمة : ومين يتمنى أكثر من كدا

شريف : ياللا نرجع

- ضربات المجداف

* تزداد حيرة شريف ويثبت عينيه فى

عينى كريمة ثم يبتعد عنها

* يستدير المراكبى بالمركب عائداً وكل

من شريف وكريمة فى ناحية

@ قطع

\$ مشهد [٦٨]

ليل داخلى - مطبخ شقة زينب وسميح

* يقف سميح على باب المطبخ حاملا
كمانه وحقييته الجلدية يلبس نظارته
ويلقى نظرة على زينب فيجدها
تجلس على الكرسي الوحيد
للمنضدة تفرد أمامها رقعة الشطرنج
والجيشين كما هما فى الصفوف
الخلفية وزينب تشرد بذهنها بعيداً لا
تنته إلى وجوده

سميح: أنا ماشى . . عايزة
حاجة؟

* تثبت زينب عينيها عليه ويصمد
سميح قليلا أمام نظراتها هذه المرة

زينب . . إبقى حطى كرسي تانى
فى المطبخ

- باب الشقة يفتح ويغلق
- رنين الأصابع المعدنية

* يترك سميح زينب لحيرتها ويتجه
للخارج
@ قطع

\$ مشهد [٦٩]

ليل خارجى - حديقة معهد الموسيقى

* يجتاز سميح البوابة حاملاً أدواته
ويلبس نظارته متفاءلاً يرتدى بدلة
كاملة

* حول شريف مقعدان وستاند
البارتيتورا والمنضدة والسبورة
المملوءة والطباشير وقطعة القماش
التي تستخدم فى مسح السبورة

* يصل سميح أمام شريف
ويتصافحان

شريف : أنا قلت نغير . .

سميح : أحسن

شريف : طب يالا سمعنى

مقطوعة ٣

- عزف سميح

* يمسح سميح القوس بفوطته
الصفراء ويأخذ الوضع السليم
للعزف ويقف أمام الاستاند ويعزف
المقطوعة

* عزف سميح أصبح أكثر مرونة
وتركيزاً

- ينهى سميح العزف

شريف : صوابك ابتدت تلين . .

فيه كام نغمة خسة ، لكن

الإحساس واصل

* يبدى سميح بعض الارتياح وملاحه
أصبحت أكثر وداعة
* يقلب سميح الصفحة ليعزف
المقطوعة التى تليها ويعيد ضبط
الأوراق

* يمسح شريف السبورة ببطء
* يصدم سميح ويتوقف عما كان
يفعل

* مازال شريف يمسح السبورة

* يقف سميح ساهماً

* فجأه يتجه سميح ليقف أمام
الباريتورا وقد فقد تركيزه
* يجلس شريف فى انتظاره
* يحاول سميح التركيز ويبدأ العزف

بالا المقطوعة الى قبلها

سميح: مش هنستنى رافايللو .
عشان يسمعى لماضته، لما كان
بيزورنى فى البيت ماكانش بياخذ
راحته

شريف: رافايللو عيان . .
سميح: عيان!!

شريف: أخذ دش سخن وخرج
مسروع على الهوا، أخذ لطشة
برد .

أول كلمتين عرفتهم من باباه فى
التليفون، وبعدين رافايللو خطف
منه السماعة وقعد يحلف ستين يمين
إنه مظلوم والذنب ذنب الهوا اللى
ماعدوش نظره . . أول ما قتلته
هجيلك، قعد يحفظ فيا . . (مقلداً
رافايللو) خمسة شارع تسعة،
المعادى، إوعى تنسى، خمسة . .

- عزف سميح

وقدماه فى وضع خاطىء ويراقبه
شريف لكنه لا يصحح له
* يخطىء سميح فى العزف ويتوقف
* يعيد العزف مرة أخرى بأصابع
متصلبة

* يوقفه شريف سريعاً

شريف : خف إيدك على الأوتار
شوية

- عزف سميح

شريف : ثبت إيدك على الأوتار
شوية

مالك . ؟؟!

سميح : ممكن اروح اشرب؟

شريف : إنت بتستأذنى؟!!!!!!

* يعيد العزف مرة أخرى بشكل أسوأ

* يخطىء سميح فيوقفه شريف سريعاً

* يرتبك سميح

@ قطع

\$ مشهد [٧٠]

ليل داخلي - دورة مياة معهد الموسيقى

* يقف سميح أمام المرأة يتأمل نفسه

كأنه يرى وجهاً لا يعرفه

* يفتح المياة على آخرها - هدير المياة

* يرش وجهه بدفعة كبيرة من المياة

ويبلل ملابسه

* يعيد تأمل نفسه في المرأة

@ قطع

ليل خارجى - أرض صحراء يحيط بها سور

* يفتش شريف وحسن الرمال
والنيران مشتعلة أمامهما للإنارة
والندفة

* يمسك حسن عصا صغيرة يداعب
الرمال

حسن : إنت بتيجى هنا كثير؟
شريف : كل ما ألحن حاجة جديدة
أو أكون متضايق .
عبد السلام صاحبى لسة مابدأش
يستصلح الأرض ، وسايبنى آجى
على راحتى . .

- مصطفى : إتفضلوا
شريف : عبده خلّص بقية
الإمضاءات المكعبة ولا لسة؟
مصطفى : لسة والله يا أستاذ
شريف ، آدينا متعطلين بقالنا كام
شهر دلوقتى . .

حسن : يا وقعة بيضا . . هى
الاستمارة لسة راكبة الحمارة من
أيام فؤاد حداد ما كتب قصيدته . .
ربنا يحيينا . .
شريف : ما قولتيليش رأيك فى
اللى حكيت هولك . .

* يحضر الشاب مصطفى (فى
العشرينات) كوين شاي على صينية
ويقدمها للجالسين

* ينصرف مصطفى

حسن : يا خسارة .. الحلو

مايكملش

شريف : فعلا

حسن : أنا بتكلم عليك مش على
كريمة

شريف : تبقى مافهمتينش ..

بقولك كانت تعرف اتنين قبلى

حسن : وهى كانت ماشية

معاهم؟؟ واحد اتجوزته سنة

واطلقت فردانى من غير عيال ،

والثانى كتب الكتاب وطلع ندل

واطلقت قبل الدخلة .. نعمل إيه

دلوقتى بقى؟؟؟

شريف : يعنى أنا مرة ثلاثة ..

طب وانا إيش عرفنى مين الغلطان

فيهم؟؟؟

حسن : ما هى قدامك ما

تسألها .. ثم تسألها ليه .. إنت

مالك؟ ناس ماتفقوش ، يمكن انتو

تتفقوا

شريف : بس .. بس أنا كل

اصحابى اتجوزوا بنت بنوت ..

يعنى هى هتبقى أول فرحتى ، لكن

انا مش هبقى أول فرحتها .

حسن : هى كريمه دلعها إيه؟

* يقف شريف

* يقترب حسن

شريف : أنا بحب انا ديها كرامله
حسن : يا حلو انت يا حلو . .
خلاص تاخد بعضك وتقوللها يا
حبيبتى . . إنتى السكر عندك
ناقص شوية . . إرجعى لأصحاب
المصنع وشوفى شروط المناقصة . .
شريف : بتتريق
حسن (يصرخ) : جايلك يا
عصافيرى

* يتعد حسن متطلعاً إلى الفضاء
ويلف حول نفسه

@ قطع

ليل داخلى - حجرة نوم رافايللو

* دمية فرد على المكتب
* رافايللو يلعب بدمية أخرى وهو
جالس على الأرض
* يقفز رافايللو بالدمية على الفراش
ويفرد الغطاء على نفسه
* تفتح والدته رافايللو الباب مرتدية
ملابس خروج وخلفها سميح حاملاً
الفيولين وحقيته الجلدية ويلبس
نظارته مرتدياً بدلة كاملة فيندهش
رافايللو من الزيارة
* يستقبله رافايللو بسعادة ثم يتمالك
نفسه (الأم فى أوائل الثلاثينات)
* يجلس سميح على مقعد بعيد عن
رافايللو
رافايللو: الأم: ولد!!
رافايللو: إيه يا ماما . .
رافايللو هيتفاهم مع سميح
الأخضر . . ماتقلقيش انتى
بس . .
سميح اتعود على غلاستى
الأم: رافايللو . . أنا نازلة عندى
* تحكم الأم الغطاء حول رافايللو

مشوار مهم ، وبابا قدامه ساعتين
ويجي . . ماجيش الاقيك عامل
كارثة والجيران طالين للضيف
الإسعاف . .

رافايللو (بتمثيل): رايحة فين يا
ماما وساية إبنك عيان!!
الأم: بتقطع قلبي إنت وابوك لما
تكونوا عيانيين . ياريتك تفرح قلبي
وتحل جملتين من ثمارين النحو لجل
النبي . . مش زى امبارح . .
رافايللو : وانا مالى . . دا القلم هو
اللى ماكانش راضى يخلينى
اكتب!!

الأم: تصور اقتنعت . .
(لسميح): أول امبارح داخله
مكتب أبوه بالصدفة، قفشته
بيشتريلنا شقة فى كندا على
الانترنت

رافايللو : باى باى يا ماما بقى . .
هتأخرى يا حبيبتي
الأم: بعد شوية تجيب لأونكل
حاجة ساقعة من التلاجة، مش
عايزة خسائر فى الأرواح .
" لسميح " ممكن وانا مش هنا تبقى
تلاعبه شوية . . !!

* يكتم سميح الضحك

* يغمز رافايللو لوالدته

* تتجه الأم إلى الباب ثم تتوقف

* تخرج الأم وتترك الباب مفتوحاً

الأم (لنفسها): فيه حد إسمه
الأخضر فى الدنيا . . دى أسامى
دى . . !!

رافايللو: إحكىلى بقى يا سميح
أخذته إيه النهاردة . .

@ قطع

\$ مشهد [٧٣]

ليل داخلى - منزل زينب وسميح

حجرة الصالة

- جرس الباب

* تجلس زينب وراء المنضدة شاردة
تمسك بقايا ورقة فلوسكاب
وتقطعها قطع صغيرة للغاية
والمنضدة مملوءة بكومة كبيرة الحجم
من قطع الورق الممزق

- رنين الأصابع المعدنية

* تستفيق زينب وتذهب لتفتح الباب
فتجد حسن

حسن : مساء الخير

زينب : أهلا

حسن : هو سميح موجود؟

* زينب تهز رأسها بالنفى

حسن : عايز أبلغه حاجة ضرورى

قبل ما اسافر الصبح إن شاء الله ،

والتليفون مشغول على طول

زينب : التليفون عطلان

حسن : لو محتاجه ضرورى ممكن

أصلحه

زينب : مش عايزة أصلحه

حسن : أنا عملت حاجة تضايك

وانا مش واخد بالى؟

* ينوى حسن الانصراف ثم يتوقف

* تهز زينب رأسها بالنفى

حسن : طيب ليه عمرك ما جيتى
تتفرجى على الجنة؟
زينب : الجنة ليها ناسها
حسن : خايف اقولك مش فاهم
أطلع روحى غيبى . .
زينب (بعد برهة) : إبقى خلى
بالك من سميح

* يقف حسن متأثراً لا يفهم

* تغلق زينب الباب وحسن مازال
واقفاً وكأنها لا تراه

@ قطع

\$ مشهد [٧٤]

ليل داخلى - حجرة نوم رافايللو

* يرتدى سميح بدلة كاملة
* يجلس رافايللو فى منتصف الفراش
* مقعد سميح أصبح ملاصقا للفراش
* الاثنان يعزفان بتركيز المقطوعة
- عزف الاثنین
الثانية التى أخطأ فيها سميح فى
الدرس ووجههما للحائط خلف
الفراش الملصوق عليه المقطوعة
بالسلو تيب
* الدمية التى كانت تحت الغطاء ملقاة
على الأرض

- يتتبعان من العزف بنجاح
وانسجام

رافايللو : هو مش انت فى يوم من
الأيام كنت عيل؟

سميح : نعم؟؟؟؟؟؟؟؟!!!!

رافايللو : عيل عيل صعبة دى؟؟؟

سميح : آآآآه طبعا كنت

رافايللو : آمال ما كنتش بتلعب

معانا ليه يوم عيد ميلادى؟

سميح : وانا كنت هلع مع مين

ولاً مين ، دول كانوا كثير أوى
رافايللو (متشجعاً) : تعرف تلعب
كونغ فو؟
سميح : لا انا اعرف اللعب بس
بس نو
رافايللو : دى موضه قديمه أوى . .
لكن يالا
سميح : يالا إيه . . ؟!!
رافايللو : مش ماما قالتلك ابقى
لاعبه وقتلتها طيب ، هترجع فى
كلامك بقى . . عيب يا سميح
أنا هحط إيدى الأول وانت
هتتونو . . ماشى

* يزداد سميح إحراجاً

* يفرد رافايللو كفيه على الفراش
* لا يجد سميح مفراً وبعد تردد يضع
يديه خلف أذنيه
* يتعمد سميح ضرب رافايللو برفق
وبطء فتطيش الضربة ويتمكن
رافايللو من سحب كفيه بسرعة
ويكسب الدور
* يقفز رافايللو مهللاً على الفراش
ويضحك من قلبه بصوته العالى
فيجد سميح نفسه يضحك معه

- ضحك رافايللو

رافاييلو : طب تعرف تلعب
أفلام .؟؟؟

* يتوقف رافاييلو عن القفز فجأة
ويشير بأصبعه لسميح حتى كاد
أصبعه يستقر داخل عين سميح
@ قطع

\$ مشهد [٧٥]

ليل داخلي - معهد الموسيقى

أحد الطرق

* يسير شريف متمهلاً حزيناً في

الطريقة بجانب حجرات الدروس

* يستلفت انتباهه صوت يغنى يعرفه

جيداً منبعثاً من إحدى الحجرات في

المقدمة ونغمات عود

* يذهب شريف ناحية مصدر الصوت

ليتأكد من أذنيه ويقف على باب

الحجرة

@ قطع

- صوت كريمة من بعيد يغنى أغنية

فايزة أحمد . . كنت اشوف الورد

بيفتح بحب بين ايديا

- نغمات العود

ليل داخلي - حجرة الدرس بمعهد الموسيقى

* يقف شريف على باب الحجرة
فيفاجأ بكريمة تغنى ومدرس آخر
شاب يقف رافعاً قدمه على مقعد
يعزف على العود مصاحباً لها
* لا يتتبعه المدرس وكريمة لوجود
شريف

* تغنى كريمة بحزن عكس معانى
الكلمات

كريمة: كنت اشوف الورد ييفتح
بحب بين ايديا/ كنت اقول ع
الشمس بتروح تحب فى دنيا تانية/
كانوا كل الناس عرايس لابسة
حب ورايحة جاية/ كان ساعات
الود ودى من جمالهم واللى بيّا/
عايزه افرّق منه للدنيا عشان دا
كتير عليّا . .

المدرس: مع إن اللى وصلنى إن
إحساسك صادق فى الغنا

* يكف المدرس عن العزف غير راض

* يبدو الحزن أكثر على كريمة وتتبعه
لوجود شريف

* بالتبعية يتتبعه المدرس لوجود شريف
الذى تبدو عليه الغيرة

المدرس: إنت هنا يا فنان؟ إيه
رأيك فى حلاوة الصوت دا . .

* يلاحظ المدرس نظرات متبادلة

صامته بين شريف وكريمة

* يخرج المدرس حاملاً العود

* يقترب شريف من كريمة

المدرس : طب يا كريمة . . راحة

خمس دقائق

شريف : يعنى إيه يعنى . . مش

فاهم . .

كريمة : أنا ماتعودتش ألح على حد

شريف : تقومى تغيرى ميعاد

الدرس من ورايا ، وتغنى مع حد

غيرى . .؟؟

كريمة : أنا ما عنديش حاجة تانى

أقولها . .

(بعد برهة) . . عن إذنك

* تخرج كريمة وتترك شريف وحيداً

@ قطع

\$ مشهد [٧٧]

ليل داخلى - غرفة نوم رافايللو

* يجلس سميح بالقميص بدون
النظارة ورابطة العنق مفكوكة قليلا
والجاكت ملقى على طرف الفراش
* يربع سميح وشريف وسط الفراش
يلعبان الشايب فى نهاية الدور
والغطاء مكوم خلف رافايللو
* رافايللو معه كارت وسميح كارتان
وكل منهما فى حالة ترقب

* يسحب رافايللو كارت من سميح
ويراه فيتأكد أنه الذى كسب ويتبقى
الشايب مع سميح

* يقفز رافايللو فوق الفراش ويهتز
معه سميح الذى يحتل توازنه
* يلقي سميح بكارت الشايب على
الفراش

* يهدأ فريد فجأة وينظر حوله فى
حيرة ثم تستقر عيناه على دمية القرد
القابعة على مكتبه وسميح يبدو قلقاً
* ينهض سميح مذعناً متجهاً إلى
المكتب

- صياح رافايللو إنت الشايب . .
إنت الشايب
سميح: إتفضل احكم يا سيدى
وخلصنى . .

ياللا . . روح هات القرد دا، بس
بشرط تعمل زى ما هيعمل بالظبط
سميح: يعنى هيعمل عجين
الفلاحة؟؟

* رافايللو يجلس على الفراش متحفزاً
للمغاية

* بمجرد ما يمسك سميح الدمية
يرقص القرد فاتحاً فمه ويغنى
ماكاريينا، فيلقيه سميح من يده على
المكتب فى وضع معتدل

* يستلقى رافايللو على ظهره ضاحكاً
مطوحاً قدميه فى الهواء

* ينتهى القرد ويتمالك رافايللو نفسه
قليلاً ويجلس معتدلاً

* ينقل سميح نظره بين القرد
ورافايللو

* يقف رافايللو على الفراش مندهشاً
للمغاية

* سميح يقف لا يفهم أى شىء
يقفز رافايللو على الأرض يتجه إلى
القرد يلმسه فيعيد الرقص والغناء
ويرقص معه رافايللو ماكاريينا بمهارة
حتى ينتهى القرد

* يقف سميح مأخوذاً

سميح: وانت عايزنى أعمل
دا . . ؟؟

رافايللو: إنت الشايب يا
سميح . . هترجع فى كلامك ولا
إيه . .

* يقف سميح لا حول له ولا قوة

* يجرى رافايللو على الكاسيت فوق
الكومودينو فى ثوانى ثم يضغط زر
التشغيل

رافايللو : حط إيدك زىي وقلدنى

* يجرى مرة أخرى بمتهى السرعة
ويقف بجانب سميح واضعاً يده على
رأسه استعداداً لبداية الرقصة
* انطلاق الموسيقى لا يعطى لسميح
فرصة للتفكير

- أغنية ماكارينا

* يحاول سميح تقليد رافايللو ببطء
مرتكباً عدداً من الأخطاء
* عند إعادة الموسيقى المميزة يكون
سميح قد أصبح أكثر تماسكاً
وسعادة وعيناه على رافايللو
ويستمران فى الرقص سوياً
وينهمكان مع بعضهما بالتدريج
حتى يصبحا نسيجاً واحداً راقصاً
ممتعاً مستمتعاً

@ قطع

\$ مشهد [٧٨]

ليل داخلي - غرفة نوم رافاييلو

* يفتش رافاييلو وسميح الأرض

* يجلس رافاييلو فاردًا قدميه أمامه

* يحل سميح زرياقة القميص ويزيح

رابطة العنق إلى أسفل أكثر

رافاييلو : مستر عطية دا يا سيدى
مدرس فطيع جدًا. كل ما يلاقى
عندنا اجازة يهرينا واجبات، وكل
حصص الألعاب بياخذها لما قرئنا
فى عيشتنا . .

سميح : هو بيدرسلكم إيه؟

رافاييلو : عربى ودين وحساب . .
بتاع كله

سميح : وبشرح كويس؟

رافاييلو : هو بيشرح خالص . . !!

سميح : آمال بتذاكر ازاي؟

رافاييلو : ما هو كل اللى بيعملوا
فيتا فى الفصل ، بنخلصوا منه فى
الدرس

سميح (لنفسه) : درس فى السن
دا . . !!

رافاييلو : دا إحنا بنعمل فيه
عمایل . .

* يقفز رافاييلو واقفًا

* يحكى رافايللو وهو غارق فى
الضحك ويصفق ذهاباً وإياباً

آخر مرة خالص محمود أخذ منه
مفاتيح شقته من غير ما يحس ،
والمستر عايش لوحده . قام رجع
تانى يدور ويدور . . قتلته عند
محمود ، ومحمود روح

سميح : أكيد محمود طلع متربى
واداهمله . .

رافايللو : لأ . . ما انا ادितله عنوان
غلط . .

سميح : ماشاء الله . . ماشاء
الله . .

رافايللو : فضل طول الليل يلف
بالعريه على محمود . . محمود
بخ

سميح : وعمل فيك إيه مستر
عطية ؟

رافايللو : أنا؟ وانا مالى . . دخل
الفصل تانى يوم عينه حمرة وشعره
منكوش زى الكلب اللولو اللى
مالوش صاحب ونزل ضرب فى
محمود ورفده ثلاث ايام . .

@ قطع

\$ مشهد [٧٩]

ليل داخلی - حجرة نوم رافايللو

رافايللو: طب اسألك سؤال يا سميح

وتقول بالحق . .؟؟

سميح: قول يا حبيبي

رافايللو: إنت ليه شخبطت فى

شريف يوم ما كان عايزك تغنى

السلم؟؟

سميح: لأننى ما كنتش عارف اطلع

السلم . .

رافايللو: ليه . . داسهل أوى

دو - رى - مى

* سميح ينام على جانبه على

الفراش يسند خده على كفه

مرتدياً الجورب والحذاء على

الأرض

* رافايللو يستند بظهره إلى الخلف

فى الناحية الأخرى من الفراش

* يقف رافايللو يغنى متفاعلا

بجسده كله وسميح يقع من

الضحك

@ قطع

\$ مشهد [٨٠]

ليل داخلى - حجرة نوم رافاييلو

* ينام سميح على الفراش سائداً رأسه
على قدم رافاييلو بدون رابطة عنق
وحافياً

* رابطة العنق ملقاة على الأرض
بجانب الجاكت والحذاء والجورب

* يكمل الاثنان غناء السلم الموسيقى
سويا

* يصفقان سوياً

* يهدأ الاثنان

* يداعب رافاييلو شعر سميح
بأصابعه

* يستغرق سميح فى الحديث وكأنه
وحده

* يقلب عود الثقاب بين أصابعه وقد
اكتست ملامحه بطيبة وسماحة نادرة

رافاييلو وسميح : فا - صول - لا -

سى - دو

- تصفيق الاثنين

سميح : تعرف . . من كام سنة . .
لأهمّا كتار . . من سنين طويلة . .
أنا مش عايز . . دى أصلها . .
كنت انا . . كنا إحنا الاتنين
يعنى . . مش قصدى ادوشك . .
كنت بقول لنفسى . . مش
دائماً . . أنا بحب المطرة أوى . .
كنت بحلم . . راحوا همّا
بالنهار . . أنا كنت . . صوت

العصافير . . كانت متعودة . .

يعنى ساعات . . من كام سنة . .

لأهما كتار . . من سنين طويلة . .

* تتوقف أصابع رافايللو عن مداعبة

خصلات سميح لأنه غفا

* يلتفت سميح إلى رافايللو فيجده قد

نام

* يتسلل سميح برأسه من تحت كف

رافايللو وينهض بحذر وبطء

شديدين وهو مازال على الفراش

* يشد سميح الغطاء فوق رافايللو

ويقبل يده ويتأمله

@ قطع

\$ مشهد [٨١]

ليل خارجى - كورنيس النيل وقت منتصف الليل

- ضحيج السيارات

* يسير سميح هائماً حاملاً كمانه
وحقيبته الجلدية ونظارته فى يده
مرتدياً بدلته الكامله بنفس ملابس
المشهد السابق

* يجذب رباط العنق إلى أسفل ويفتح
زر القميص الأول وتبدو حالته سيئة

@ قطع

\$ مشهد [٨٢]

ليل داخلى - منزل سميح وزينب

غرفة النوم

* ترتدى زينب قميص النوم

* تفتح أحد الأدراج وتخرج بروازاً

بداخله صورة لها هى وسميح

يضحكان عندما كانا فى الصبا

* تتأمل زينب الصورة وبداخلها

صراع شديد

@ قطع

\$ مشهد [٨٣]

ليل خارجى - أحد شوارع القاهرة
بعد منتصف الليل بحوالى ساعتين

* سيارات قليلة جداً وسميح مازال
يمشى هائماً حاملاً حاجياته وحالته
تزداد بؤساً
* يخرج فوطة مسح النظارة من جيبه
ويمسح النظارة بحركة آلية ثم يضع
الفوطة والنظارة فى جيبه ويبدو عليه
الإرهاق الشديد

@ قطع

\$ مشهد [٨٤]

ليل داخلى - منزل حسن وزينب دورة المياة

* تدخل زينب دورة المياة مرتدية
قميص النوم منسدلة الشعر غير
مهندم وحالتها فى غاية الشقاء
وعدم التوازن

* تتوقف قليلا أمام البانيو
* تتجه إلى السخان تطفئه أو ترفع
سكين الغاز

* تدخل البانيو وتفتح المياة الباردة
فوق رأسها بكل قوة
* زينب تقف مستسلمة لا تشعر
ببرودة المياة الشديدة

@ قطع

\$ مشهد [٨٥]

ليل داخلي - تراس جنة حسن قبل الفجر بقليل

- طرق الباب

* يطرق سميح باب حسن وقد بلغ
الذروة حاملاً كمانه وحقييته الجلدية
مبعثر الشعر والملابس

حسن : سميح؟؟!!

* يفتح حسن بعد برهة ويبدو نائماً
ويفرك عينيه مندهشاً

طب استريح . . استريح . .

* يتراجع سميح متهاكاً نحو المرجيحة
ومعه حسن الذي أصيب بفزع كبير
* يتهاوى سميح على المرجيحة
فتأرجح به ويلقى الكمانجه والحقيبة
بجانبه

إنت جاي منين كدا . . ؟؟؟؟

* ينظر سميح إلى حسن ملياً

زينب : لسة لحد دلوقتى مش قادر
تخرج اللي جواك يا
سميح؟؟؟؟؟؟؟؟

* يوشك سميح أن يحكى ثم يتراجع
(زينب تقف عند مدخل الجنة منذ
البداية دون أن يلاحظها أحد
بشعرها المبلل المنسدل ترتدى
قميص نوم آخر وفوقه روب)

لسة مصمم تحبس نفسك ورا
التكشيرة دى

* يلتفت إليها حسن مفاجئاً وينهض
سميح مباغتاً

* تتقدم زينب ببطء

* ينظر سميح إلى زينب يستحلفها ألا

تكلم

* يتهاوى سميح على المرجيحة مرة

أخرى واضعاً وجهه بين كفيه

* تقترب منه زينب تماماً وتنزل على

ركبتها ترفع وجهه بيديها برفق

شديد والدموع مكتومة فى عيني

سميح

* تنهض زينب وتقف بين سميح

وحسن الذى مازال واقفاً مبهوئاً

* يتأرجح سميح بهدوء

من عشرين سنة . . كان سميح

اللى انت شايفه ده مالوش

وجود . . كان إنسان بسيط ،

يضحك طوب الأرض .

إتجوزنا بعد أحلى قصة حب ،

كانت شهرتنا قيس ولبلى . .

وبقيننا أسعد ثلاثة . . سميح

وزينب ونور

عارف سميح سماها نور ليه؟

عشان بيخاف من الضلمة موت

دلوقتى بس يا سميح هقولك على

السر اللى مخنوق جوايا . .

* ردود أفعال سميح وحسن

* سرعة المرجيحة تزداد

* تذهب زينب تستند إلى السور
والقاهرة في الخلفية

* إيقاع حديث زينب يزداد سرعة

نور اتولدت بعيب خطير فى
القلب . . دكتور يوسف حذرني
من أى انفعال أو مجهود . .

قررت أخبى على سميح مهما
يحصل استقلت من الشغل . .

فضيت الأقراس من الشرايط
والعلب عشان مايقراهمش .

منعت نور عن النادى والجري مع
اصحابها بحجة المذاكرة والعب انا
معاها بدالهم . .

فهمت كل مدرسين الألعاب إن
رجلها فيها مشكلة وهى
ماتعرفش . كل حاجة تخصها
كانت مسئوليتى لوحدى بموافقة
سميح اللي بيحبني أكثر من نفسه
ومايقدرش يرفضلى طلب . .
إسمه سميح الأخضر وهو فعلا
قلبه أخضر . . تسع سنين وانا فى
العذاب دا . .

وفى يوم . . كنت باخد دش ونور
نايمة تعبانة أوى . . دخل سميح
قبل معاده بساعتين يتسحب . .
ترقية وعلاوة قبل معادهم
بكثير . . هز نور يصحها بقوة . .

صرخ فى وشها . . إلحقى البيت
بيقع . .

لو كانت نور بصت فى عينين
سميح لحظة واحدة كانت عرفت
إنه بيهزر . . بعد أربع أيام قلبها
ماستحملش . .

سميح غير شغلته وانعزلنا
قاطعنا كل اللى كان يعرف
حدوته قيس ولىلى وعشنا
أغراب . .

(حالة صمت جماعى)

سميح : لسة يا زينب حدوته قيس
وللىلى ليها باقى إنتى
ماتعرفيهوش . .

* تنساب دموع زينب صامته

* يقاوم حسن البكاء

* يوقف سميح المرجيحة بقدميه

* تنظر إليه زينب مستفهمة

* يتجه سميح لزينب يأخذها من يدها
برفق شديد ويجلسها على المرجيحة

* يتجه سميح إلى السور يستند إليه
ويستجمع أنفاسه

سميح : بعد ست شهور من ولادة
نور لاحظت إن فيه حبوب سايبة
دايمًا فى الدرج مش عارفها ،
خفت على زينب تكون عيانة
وخبية عليًا .

خدت علبة فاضية لقيتها مرمية فى
السلة جنب الدرج ورحت
للدكتور يوسف . .

آيوه يا زينب . . كنت عارف . .
كنت بشوفك وانتى بتضحكى فى
وشى وقلبك بيعيط بالدموع . .
عشان كدا وافقتك تتولى كل حاجة
تخص نور . . وقدرت أمثل دورى
ثمان سنين ونص كل ثانية من غير
غلطة واحدة

* تنظر زينب إليه وتكاد تجن

* يستجمع سميح أنفاسه

يوميهها كنت راجع طابر متشعبط
فى سحابة بسابق الهوا عشان
أرجع أفرحك وافاجىء نور
باللعة اللى كان نفسها فيها . .

حييت أضحكها الأول . . هزتها
جامد . . جامد أوى . . صرخت
فى وشها من غير مقدمات ، وانتى
عارفة الباقي . .

دى كانت أول مرة أنسى فيها
روحي وتعليمات الدكتور .
ماخدتش بالى . . والله العظيم يا
زينب ما خدتش بالى . .

* يصل انفعال سميح إلى القمة

* تنحدر من عيني سميح دمعة واحدة
فقط مريرة

* لا تستوعب زينب الموقف وتلتهم
سميح بعينيهما بمتهى التعاطف
والحب

* يدير حسن وجهه ويمسح دموعه
* يخفض سميح رأسه
* تذهب إليه زينب

* تمسح دمعته الوحيدة بأصابعها
وتأخذ وجهه بين كفيها
وأخيراً يثبت سميح عينيه فى عيني
زينب ولا يهرب منهما

* تقبل زينب سميح فى جبهته
* تأخذه من يده ويتجهان إلى الخارج
يهبطان من الجنة والشمس قاربت
على الإشراق . .

@ قطع

زينب : يا سميح . . الموت مالوش
سبب . .
الله يرحمها . .
ويرحمنا إحنا كمان

\$ مشهد [٨٦]

ليل داخلي - سلم عمارة سميح وزينب

* ينزل سميح وزينب السلم ببطء

متلاصقين

* يتوقفان ويتبادلان نظرات اشتياق

سميح: على فكرة يا زينب . . أنا
مانستش عيد جوازنا وشايلك
هديتك . . بس ما كنتش عارف
اديهالك ازاي . .

فكرة يا زينب أغنية راقية إبراهيم
وعبد الوهاب . .

زينب: يا سميح . . إزاي أنسى
الأغنية اللي عرفتنا ببعض ما انت
عارف . . أنا عمري ما انسى
حاجة انت بتحبتها يا اخضر . .

- ينساب دويتو راقيه إبراهيم وعبد
الوهاب في الخلفية

* تبتسم زينب وسط دموعها

* يستكملان نزول السلم وكل منهما

يحتضن الآخر

@ قطع

النهاية

المؤلفة في سطور

د. نهاد إبراهيم

مواليد ١ / ١ / ١٩٧١ - القاهرة - مصر

ناقدة مسرحية وسينمائية وأدبية حرة.. شاعرة عامية..
قاصة.. مترجمة

حاصلة على ليسانس آلسن قسم اللغة الألمانية/الإيطالية -
جامعة عين شمس - ١٩٩٢

حاصلة على دبلوم الدراسات العليا للنقد الفنى - تقدير
امتياز - المعهد العالى للنقد الفنى - أكاديمية الفنون - ١٩٩٦

حاصلة على درجة الماجستير فى النقد الأدبى "شخصية
شهرزاد فى الأدب المصرى المعاصر" - تقدير امتياز - المعهد
العالى للنقد الفنى - أكاديمية الفنون - ٢٠٠١

حاصلة على درجة الدكتوراه فى النقد الأدبى "أسطورة
فاوست بين مارلو وجوته والحكيم وباكتير وفتحى رضوان - دراسة
تحليلية مقارنة" - مع مرتبة الشرف - المعهد العالى للنقد
الفنى - أكاديمية الفنون - ٢٠٠٦

لها العديد من المقالات والدراسات النقدية المتخصصة فى
الصحف والمجلات المصرية والعربية

شاركت كعضو لجنة مشاهدة واختيار الأفلام بمهرجانات
القاهرة والإسكندرية والإسماعيلية السينمائية الدولية

شاركت فى ترجمة وتحرير كتالوجات مهرجانات القاهرة
والإسكندرية والإسماعيلية وسينما الطفل السينمائية الدولية

شاركت فى إدارة ندوات محلية ودولية بالمهرجانات المختلفة
والمجلس الأعلى للثقافة ومكتبة الإسكندرية

شاركت كعضو لجنة تحكيم النقاد بمهرجان الإسماعيلية
الدولى للأفلام التسجيلية والقصيرة/ممثلة لجمعية نقاد السينما
المصريين - ٢٠٠٢

مثلت مصر فى لجنة تحكيم النقاد الدولية بمهرجان لوكارنو
السينمائى الدولى / ممثلة للاتحاد الدولى للنقاد/FIPRESCI -
٢٠٠٣

شاركت كعضو لجنة تحكيم بمسابقة الأفلام التسجيلية
والروائية القصيرة والتحرك بالمهرجان القومى للسينما المصرية
عام ٢٠١٣.

شاركت كعضو لجنة تحكيم بمسابقة الأفلام الروائية الطويلة
بالمهرجان القومى للسينما المصرية عام ٢٠١٧.

عضو فى

- * جمعية نقاد السينما المصريين "E.F.C.A" التابعة للاتحاد
الدولى لنقاد السينما "FIPRESCI"
- * جمعية كتاب ونقاد السينما المصريين
- * اتحاد كتاب مصر

صدر لها

- * **"دراما بلا حدود"** عن السيناريسست المصرى عبد الحى
أديب - إصدارات المهرجان القومى للسينما المصرية - ٢٠٠٠
- * ديوان شعر عامية **"كلام أغانى...!!؟"** - دار النيل - ٢٠٠٤
- * ديوان شعر عامية **"شكلى مش زى الصورة"** - إصدارات
مركز الحضارة العربية - ٢٠٠٥
- * **"شهرزاد فى الأدب المصرى المعاصر"** - إصدارات
الهيئة العامة لقصور الثقافة - سلسلة كتابات نقدية - ٢٠٠٥

* تحرير وتقديم كتاب **"عناكب فى المصيدة/ ثلاث روايات روسية"** - المشروع القومى للترجمة - إصدارات المجلس الأعلى للثقافة - ٢٠٠٥

* تحرير وتقديم الرواية الروسية **"موزاييك الحب والموت"** - المشروع القومى للترجمة - إصدارات المجلس الأعلى للثقافة - ٢٠٠٦

* تحرير وتقديم **"كراسة مصر/ روايتان روسيتان"** - المشروع القومى للترجمة - إصدارات المجلس الأعلى للثقافة - ٢٠٠٦

* **"توفيق الحكيم من المسرح إلى السينما"** - إصدارات الهيئة العامة لقصور الثقافة - سلسلة آفاق السينما - رقم ٤٩ - ٢٠٠٦

* ديوان شعر عامية **"تفرج يا سلام"** - إصدارات الهيئة المصرية العامة للكتاب - ٢٠٠٧

* **"أسطورة فاوست بين مارلو وجوته والحكيم وباكثير وفتحي رضوان"** - إصدارات المجلس الأعلى للثقافة - ٢٠٠٩

* ترجمة وتقديم كتاب **"المخرجون - كلايت أول مرة"** - إصدارات المركز القومى للترجمة - ١٥٩٦ - ٢٠١٠

* ديوان شعر عامية **"فى بيتنا شجر التوت"** - ٢٠١٢

* المجموعة القصصية **"الكونت دى مونت شفيقه"** - ٢٠١٢

* ديوان شعر عامية **"كل كلام الأغاني"** - إصدارات مركز الحضارة العربية - ٢٠١٤

* ديوان شعر عامية **"يقولوا عليا حمار!!!"** - إصدارات مركز الحضارة العربية - ٢٠١٤

* ترجمة **"تحت مقص الرقيب"** - إصدارات المركز القومى للترجمة - رقم ٢٠٣٨ - ٢٠١٤

* **"قراءات نقدية فى العروض المسرحية"** - إصدارات مركز الحضارة العربية - ٢٠١٤

- ٢٠١٥ * **"سينما حول العالم"** - إصدارات دار العلوم للنشر والتوزيع

- ٢٠١٥ * **"دراسات سينمائية متنوعة"** - إصدارات دار العلوم للنشر والتوزيع

- ٢٠١٥ * ديوان شعر عامية **"عيشة تسد النفس"** - إصدارات دار العلوم للنشر والتوزيع

- ٢٠١٦ * **"موسوعة النقد السينمائي - تشكيل الوعي عبر القوى الناعمة"** - ٦ أجزاء - تجليد فني - ٣٢٢٨ صفحة - ١٠٤٦ مقال - مقاس ١٧ سم × ٢٤ سم - إصدارات دار العلوم للنشر والتوزيع

- ٢٠١٦ * **"قراءات نقدية في العروض المسرحية - تشكيل الوعي عبر القوى الناعمة"** - الطبعة الثانية - تجليد فني - إصدارات دار العلوم للنشر والتوزيع

- ٢٠١٧ * **"استلهام شخصية شهرزاد في السينما المصرية"** - المجلس الأعلى للثقافة

- ٢٠١٨ * ديوان شعر عامية **"في بيتنا شجر التوت"** - الطبعة الثانية - إصدارات دار العلوم للنشر والتوزيع

- ٢٠١٨ * ديوان شعر عامية **"كل كلام الأغاني"** - الطبعة الثانية - إصدارات دار العلوم للنشر والتوزيع

- ٢٠١٨ * ديوان شعر عامية **"شكلي مش زى الصورة"** - الطبعة الثانية - إصدارات دار العلوم للنشر والتوزيع

- ٢٠١٨ * ديوان شعر عامية **"يقولوا عليا حمار"** - الطبعة الثانية - إصدارات دار العلوم للنشر والتوزيع

- ٢٠١٨ * مجموعة قصصية **"الكونت دي مونت شفيقه"** - الطبعة الثانية - إصدارات دار العلوم للنشر والتوزيع

جذبت معظم إصداراتها انتباه قمم الجامعات الأمريكية الراقية لتحفظ بها فى مكتباتها مع نجاحات أخرى عربية ودولية.

تتضمن قائمة هذه الجامعات المرموقة:

هارفارد - ييل - أوهايو - برينستون - ستانفورد - كاليفورنيا، بيركلى - كاليفورنيا، لوس أنجلوس - كولومبيا - تكساس أوستن - إنديانا - بنسلفانيا - أيوا - واشنطن - نيويورك - براون - ديوك - متشيجان فى الولايات المتحدة الأمريكية

الجامعة الأمريكية بالقاهرة - الجامعة الأمريكية فى بيروت

جامعة بامبرج بألمانيا - جامعة مارتن لوثر بألمانيا

فى بداياتها ظلت تكتب شهورا طويلة مقالات نقدية سينمائية بمجلة الكواكب المصرية بامضاء "الأنسة كاف"

جوائز

*** فازت المجموعة القصصية "الكونت دي مونتي شفيقه" بجائزة أفضل مجموعة قصصية ٢٠١٢/٢٠١٣ ضمن جوائز اتحاد كتاب مصر**

البريد الإلكتروني: nihadibrahim30@yahoo.com

سيناريو روائى

تجربة إبداعية جديدة تدمج كتابة الرواية والسيناريو فى بوتقة واحدة.

سميح الأخضر رجل يخاف منه البشر، يحترمه الزمن، يعيش من أجل هدف واحد فقط.

هدف لا يتخيله أحد. إنه يحيا ويتنفس لإسعاد زوجة الوحيدة. وزوجته لا تعيش إلا له.

منتهى الرومانسية

مع ذلك لا وجود لهذه الرومانسية على الإطلاق.

حب نادر فى زمن نادر لكنه صامت غامض يحتاج إلى معجزة ليبوح بالأسرار داخله...

حب يتحاور مع آلة الكمان ليغزف أجمل ألحان الحب والحزن والضحك والجمال.

نوتة موسيقية مرئية تفتش فى الماضى وتنزوى من الحاضر وتحن إلى المستقبل.

سميح الأخضر رجل يتمناه كيويبد الحب. يفتش عنه ليستمد منه وجوده فى قلوب العشاق.

ما أندر العشاق فى هذا العالم غير الأخضر!



ناقدة مسرحية وسينمائية وأديبة حرة. شاعرة..
قاصة ومترجمة. حاصلة على الدكتوراة فى
النقد الأدبي، لها العديد من المقالات والدراسات
النقدية المتخصصة فى الصحف والمجلات المصرية والعربية.

